

彊邛叢書





龜巢詞目錄

驀山溪

沁園春

滿庭芳

沁園春三

蘇武慢

滿江紅

一翦梅

風入松二

金縷曲

沁園春

西江月

風入松

西江月

南鄉子

摸魚子

水調歌頭

憶王孫

水調歌頭二

滿庭芳

點脣絳五



沁園春

水調歌頭

南樓令

八聲甘州

滿庭芳

菩薩蠻

水調歌頭

沁園春

點絳脣

風入松

點絳脣

八聲甘州

水龍吟

賀聖朝

滿江紅

沁園春

鵲橋仙

一翦梅

江城子

補遺



如夢令 四

南樓令

沁園春 三

西江月

江城子

高陽臺

江城子

蝶戀花

龜巢詞

武進 謝應芳 子蘭

驀山溪清悶至正丙申作

無端湯武弔伐功成了賺盡幾英雄動不動東征西討  
七篇書後強辨竟無人他兩箇至誠心到底無分曉  
鬪體滿地天也還知道誰解挽銀河教淨洗乾坤是好  
山妻笑我長夜飯牛歌這一曲少人聽徒自傷懷抱

沁園春丁酉春寓墩山錢氏寫懷

冷笑班超要覓封侯棄了毛錐看今來古往虛名何用  
朝榮夕悴浮世堪悲老我衣冠傍人籬落賴有平生鐵  
硯隨西莊上對溪山如畫鷗鷺忘機相逢喜得新知

更不用黃金鑄子期把胸中磊塊時時澆酒眼前光景  
處處題詩輕帽簪花柔茵藉草時復尊前一笑嬉沈酣  
後任南山石爛東海塵飛

滿庭芳

四月錢夢弼出妓爲陸文迪壽邀僕賦贈

玉雪梨渦錦雲桃扇紫簫雙鳳和鳴觥船初棹煙繞博  
山青最喜清和天氣綠陰靜梅雨初晴高齋裏馬融書  
帳風捲絳紗輕 華年纔幾許培風健翮曾試修程口  
歸來林下閒聽松聲笑道葵花似我芳心在向日長傾  
黃河水如今重看朝口暮還清

沁園春

壬寅歲旦枕上述懷

四海煙塵一棹風波經行路難幸兒孫滿眼布帆無恙



夫妻白首青鏡猶團筮澤西頭碧山東畔又與梅花共  
歲寒新年好有茅柴村酒薺菜春盤 旁人莫笑儒酸  
已爛熟思之不要官任伏波強健驅馳鞍馬礮溪遭遇  
棄擲漁竿霜滿朝鞞雷鳴衙鼓何似農家睡得安閒亭  
裏喚山童把觥野老交歡

又晨起對雪復寫餘懷

雪壓新年花開想遲鶯來甚難喜杯有屠蘇春風濼濼  
盤餘苜蓿朝日團團六十年來尋常交際江海鷗盟總  
不寒移家處每涉園成趣居谷名盤 忘情世味心酸  
但吟得新詩似得官儘教我低頭三閒茅屋從他高步  
百尺危竿白首無成蒼生應笑不是當年老謝安琴書

裏且消磨晚景受用清歡

又屋東老梅一株鄰家有竹百餘箇相近雪窗撫玩復

自和此曲

竹與梅花偃蹇冰霜堪稱二難我依梅傍竹借人茅舍  
吟風弄月坐箇蒲團梅樣精神竹般標致遮莫清臞未  
是寒柴門外好一湖春水似拍銀盤昔人恨橘多酸  
我只笑青松也拜官每醉時低唱滄浪一曲閒時高臥  
紅日三竿兒輩前來老夫說與梅要新詩竹問安餘無  
事只粗茶淡飯儘有餘歡

蘇武慢

贈徐伯樞

蘭雪衣衿芝雲冠佩欬唾口成珠玉芳草萋迷蓬萊杳

渺皎皎白駒空谷濯髮滄洲怡顏芳樹樂甚從伶絲竹  
問天生湖海元龍豪氣肯令消縮君不見二陸聯芳  
三蘇接武聲動九重黃屋天上碧桃日邊紅杏真快  
人心目拂袖東膠出門西笑莫戀故園松菊看濁河流  
水重清齊唱太平遺曲

滿江紅

吳江阻風

怪底春風要將我船兒翻覆行囊裏是羣賢相贈數篇  
珠玉江上青山吹欲倒湖中白浪高於屋幸年來阮籍  
慣窮途無心哭歸去也餅無粟吟嘯處居無竹看造  
物怎生安頓老夫盤谷□□□寒食夜水村相伴沙  
鷗宿問客懷那有許多愁三千斛



一翦梅 壽安玄卿

一色蒼然兩阿翁年也相同月也相同六年湖海共飄

蓬煙也溟濛雨也溟濛 移家今住葑門東朝也相從

暮也相從何當歸隱舊山中桃也春風李也春風

風入松 寄朱原道為生日賀

梅花折去一枝春人在太湖濱天生襟度容江海每開

尊坐客如雲此日醉逢蓬矢吾兒應吐華茵 湖光山

色淨無 塵魚鳥總情親姑蘇臺上遙相望見湖山如見

伊人綠 髮年華全盛白眉聲譽方新

又梅花

歲寒心事舊相知相別去年時如今重覩春風面比年

時消瘦些兒天上玉堂何在人閒金鼎頻移 風塵不  
染素羅衣脈脈倚柴扉桃根桃葉爭春媚儘教他濃抹  
胭脂老我揚州何遜隴頭誰爲題詩

金縷曲 袁叔度新居

卜宅椒園裏響丁丁風斤月斧杏梁飛起窗戶青紅煙  
樹綠焜耀碧山鄰里雞共犬也知輪美燕子飛來堂下  
舞似輕盈掌上人堪喜更可愛新桃李 長洲水接淞  
江水好秋風鱸魚蓴菜葑田菰米豔 楚舞吳歌娛晚景內臺  
屋神仙羅綺 盤春筍奉甘旨五馬貴未足擬

沁園春 壽杜默齋時致仕寓吳門僧舍吾家與鄰居焉

脫履紅塵移家碧山  
娑羅樹邊有兩兒冠帶眼前騰踏  
諸孫文采膝下聯翩石几焚香冰甌滌筆重註義經得  
異傳餘無事但觀雲默坐聽雨高眠  
龜巢幸與相連  
飲湖水清如飲菊泉問絳人甲子今踰四百皇家鍾乳  
何用三千銀艾忘情玉枝無汗一味清閒足引年升平  
也看天恩賜帛雲髮垂肩

西江月

秋暮簡友人索酒

老大無人青眼淒涼柰爾黃花  
秋來杯酌斷流霞兀對  
江山如畫  
夢裏去尋東老覺來欲喚西家  
山童羞說  
未能賒報道點茶來也

風入松

辟兵青龍食蘿蔔有感



青龍地脈土酥香產玉似崑岡可憐不入瑤池宴到冰  
壺風味淒涼忽憶故園時序春盤春酒羔羊青絲生  
菜韭芽黃銀縷染紅霜桃花人面柔荑手酒微酣象箸  
頻將鼙鼓一聲驚散六年地老天荒

西江月題畫

綠樹雲林窅窕青苔石磴縈紆兩人林下曳長裾應是  
山中巢許空谷似聞樵斧危橋不斷徵車誰來爲我  
借茅廬來與白雲同住

南鄉子過王景逸溪居

四野接平蕪一曲清溪似畫圖燕子日長溪館靜菰蒲  
風灑軒窗暑氣無林叟話樵蘇相送東橋日已晡啼

鳥不知人禁酒葫蘆教我提來那處沽

摸魚子早春作

看東風柳搖金縷精神頓美如許獨憐老我雙蓬鬢無  
復少年張緒桃葉渡任山水清妍可柰非吾土借人茅  
屋但有客相過清茶淡話閒與論今古傷心處客去  
臥聽鼙鼓看花渾在煙霧姑蘇臺榭笙歌散麋鹿又如  
前度誰恁誤教無限蒼生墮顛崖苦蒹葭洲渚賴有  
箇扁舟三竿釣竹相伴閒鷗鷺

水調歌頭

中秋言懷

戰骨縞如雪月色慘中秋照我三千白髮都是亂離愁  
猶喜淞江西畔張緒門前楊柳堪繫釣魚舟有酒適清

興何用上南樓  
環金甲馳鐵馬任封侯青鞋布襪且  
將吾道付滄洲老桂吹香未了明月明年重看此曲爲  
誰謳長揖二三子煩爲覓菟裘

憶王孫

和熊元修蘇州感興

銅駝淚溼翠苔茵  
落地花如墮玉人  
可是東君不惜春  
問花孫海變桑田幾度新

又

齊雲一炬起紅煙  
頃刻煙銷事已遷  
折戟沈沙月爛船  
問祈連安得河清億萬年

水調歌頭

茅仲良初度席上賦

秋色淨如洗南極瑞光多  
秦駐山中隱者弧矢挂煙蘿

野老敲門看竹珍，重主人留客呼酒瀉金荷。爲問春秋  
多少，笑道明年六十勲業蹉跎。萬鍾祿千駟馬待如  
何。洛陽城市又看荆棘臥銅駝。且喜階前玉樹五色鸕  
雛俱好，把此瑟琴和一曲華胥引雙鬢雪兒歌。

又洪武九年秋余卜居千墩嘗作水調歌今也人事乖  
違欲還故土故復和前韻以述其情并以留別吳下  
諸友時十三年六月初也

牙齒豁來久老氣尙橫秋買得歸耕黃犢兒輩幸無愁  
相近六龍城下只在三家村裏結屋小如舟倚樹覽山  
色且免賦登樓看官爵都不似醉鄉侯里翁閒話便  
同學士坐瀛洲寄語東吳朋友乘興能來溇浦艤棹聽

漁謳無酒不須慮解我破貂裘

滿庭芳熊元修席上次韻

塵拂風生熏鑪煙嫋劇談天上人間馮夷擊鼓白鳳舞  
崑山驚倒五陵年少聽三老口角鳴湍江南好梅前菊  
後天氣帶微寒客來雖話別重歌舊曲不是陽關笑  
閒雲似我口去時還最喜烽煙盡息青天淨一鏡團團  
重來也尋盟鷗鷺訪竹問平安

點絳脣

初度作

七十年前抱麟虛負雙親夢一襟空洞生世曾何用  
老我東門瓜也無心種松醪甕瀉如鉛汞時與漁樵共  
又



海上歸來鬢毛枯似經霜草薄田些少茅屋園池小

三子犁鋤三婦供蘋藻村居好兔園遺稿是我傳家寶

又

弧矢休懸舉杯聊適棲遲意明朝冬至有酒還沈醉

堪笑神仙要作長生計人間世金烏西墜難把長繩繫

又

老眼猶明著書未了餘生債客來休怪淡飯黃齋菜

踏雪觀梅清興依然在南門外夜來尋戴扶醉馱驢背

又

點檢鶻巢素琴絃斷餘何有夫妻白首相敬如賓友

三四孫兒五色斑斕袖梅花酒爲翁稱壽羅拜爺娘後

沁春園無錫縣令生日招飲而作

借問黃花過了重陽如何始開爲客中陶令逢他初度  
尊前杜舉要我相陪十日秋香百年晚景一笑今朝酒  
莫推風光好正涼生沆瀣淨洗氛埃胸中華嶽崔嵬  
下筆處長江滾滾來且折花簪帽劇談清事引杯看劍  
聊適幽懷健翮低雲修鱗蹭蹬人道公非百里才還知  
否那黃河清也白日悠哉

水調歌頭再和寄酬袁子英蕭寺

六載遠相憶一日似三秋別後雪添蓬鬢著述遺窮愁  
幾度欲尋安道溪上片帆飛去興盡復回舟明月出東  
海隱躍見瓊樓喚龍伯擊鼉鼓舞陽侯何時杯酒重

歌蘆葉舊汀洲多謝寄來雙鯉白雪陽春數曲爲我和  
巴謳什襲付兒輩好學製弓裘

南樓令壽陳縣丞

赤手拔鯨牙長安早看花竟春風百里桑麻柳色宮袍  
銀束帶親受賜玉皇家鼉鼓報朝衙桑弓挂綠蛇拜  
雙親杯捧流霞只恐哦松哦未了天上去又乘槎

八聲甘州爲友人贈醫士

喚常娥白兔下蟾宮玉杵擣玄霜自焚蘭古鼎心融靈  
素默契歧黃不假殘膏賸馥時俗共傳方用上池水  
漏洗膏肓家住六龍城裏有舊家風月三徑蒼筤更  
一林新栽紅杏暖生香問年來活人多少口嘖然微笑

說尋常誰能爲寫成佳傳汗竹流芳

滿庭芳夏五雨窗言懷

十里橫山一灣流水東洲叢爾孤村移來田舍山水對  
衡門老我無爲能矣犁鋤事付與兒孫湖田上黃梅雨  
足蛙鼓口聲喧親朋三四老鬚眉雪白言笑春温每  
攜手相過清事閒論坐把山光水色茅柴酒傾倒匏尊  
章臺路馬蹄塵土不到紫苔痕

又寄江叔廉

雞犬相聞溪山如畫梅花只在前村逍遙杖履不過翟  
公門前度春風已老對芳草還憶王孫長安市看花人  
去車馬正爭喧向來東海上水南水北如石如温念

鷗冷詩盟何日重論老我蓬蒿三徑開懷抱賴有琴尊  
公知否蕭齋雨漏四壁篆書痕

菩薩蠻

七夕作

鋒棱磨盡方藏拙老懷羞對天孫說風葉動清商依稀  
似九章飄蕭雙鬢雪臥看彎彎月月缺有時圓人無  
再少年

水調歌頭

再和前韻

青白阮生眼皮裏有陽秋誰信近來懷抱汨汨泥窮愁  
昨夜僧房聽雨如在瀟湘夜泊敲枕臥孤舟無復少年  
日解佩醉秦樓更休說爛羊尉爛羊侯三山湖上如  
今田舍住東洲頃洞十年金革蓬勃一襟塵土白雪向



誰謳濯足傍雲水披我老羊裘

又代陳氏謝徐彥銘

玉杵擣靈藥丹鼎養芙蓉城市山林小隱家住驛橋東  
況是南州高裔更欲上池真液冰雪炯心胸醫國手初  
試在處起疲癯種陰德方寸地繼頤翁活人多少滿  
林新植杏花紅遮莫南山石爛又復瀛洲水淺都付笑  
談中刮目看塵表黃鵠駕天風

沁園春寄希尹

憶昨秋風送書畫船過楊柳洲把錦囊傾倒燈花共喜  
棹歌歸去詩草仍留坐榻高懸家童偶語此客尋常頗  
見不襟懷好比子猷尋戴別樣風流別來一日似三

秋且喜花時可勝游要尋山問水春申故國賦詩醜酒  
季子高北醉帽簪花吟茵藉草莫笑疏狂老未休同來  
也有堂前舊燕江上盟鷗

點絳脣和林韻

往古來今何人不道閒居好忙多閒少應被青山笑  
蒲柳衰顏我獨驚秋早茅齋小幾番掀倒風雨都溼了  
風入松賀宜興殷伯賢遠回

孤舟浪打石尤風霹靂浪聲中布帆喜得歸無恙繫長  
橋閒似漁篷蛟渚如今寂寂鷗波依舊溶溶 秋花開  
到雁來紅金菊對芙蓉一襟磊塊都澆去飲紅灰如飲  
黃封睡到日高三丈從他衙鼓逢逢

點絳脣謝萬仲理惠絛

彩翼雙鳧寄來一幅天機錦純絛絕品將意何勤恁

歲晚空山不怕冰霜凜西風緊便添袍緼被德吾無隱

八聲甘州寄無錫錢夢弼

記年時東走避風塵隨處覓桃源偶相逢一笑埃山西  
畔喬木參天百尺元龍樓上下榻許高眠鼓我瓠巴瑟  
魚鳥欣然 每日春風池館有竹林諸阮醉袖聯翩要  
簪花捧硯常挾兩飛仙又安知桑田變海竟飄零老去  
雪盈顛綈袍外故人餘意肝膽雕鐫

水龍吟題曹德祥水居

舊家金谷園林盡隨海變桑田了一灣流水一枝修竹

菟裘將老瀟灑軒窗波光隱映筆牀茶竈但溪無六逸  
林無諸阮誰相與論懷抱不用滄洲洗耳聽風前此  
君清嘯黃金臺上儘教塵土騁車爭道魚鳥情親漁樵  
邂逅不時談笑看古來行路難行真箇是閒居好

賀聖朝

馬公振見訪以詞留別喜而和之

吳淞舊雨相鄰住喜復來今雨那時因遇十年艱險劔  
頭炊黍如今相見衰顏醉酒似經霜紅樹湖山佳處  
登高望遠徧題詩去

滿江紅

送馬公振

舊約尋梅蹉跎過小春時節忽隴頭人至一枝先折喜  
見春風顏色好縞衣不受緇塵涅把十年湖海舊相知

從頭說 三江上滄洲雪千墩下珠林月似許詢支遁  
總皆清絕重看青山攜素手此情方解相思結待漏湖  
冰泮柳風清孤舟發

沁園春自述

笠澤東頭翠竹漁莊滄洲釣船看三江雪浪煙波如畫  
一篷風月隨處留連巨口鱸魚團臍螃蟹坐飲篷窗醉  
卽眠蒹葭畔口不收筇筓意若忘筌 向來四海戈鋌  
好戰艦都成赤壁煙笑癡兒航海空尋蓬島漁郎失路  
漫說桃源鷗社盟寒歌聲斷續煙水寥寥數百年玄真  
子有家傳舊曲重扣吾舷

鵲橋仙寄汪南軒



青年去了青衫破了舊日青氎無了一時清興未能除  
說與故人知道 春花春好秋花秋好每日看花尤好  
人生沽酒買花錢消得杖頭多少

一翦梅寓意寄故人

崑岡火烈去年時玉也灰飛石也灰飛鶴長鳧短總休  
提善有天知惡有天知 今年快活保妻兒歌也相宜  
舞也相宜揮金如土醉如泥休負佳期莫負佳期

又

東風吹醒老梅枝南也芳菲北也芳菲月明半夜五更  
時笛也爭吹角也爭吹 青松澗底獨離奇寒也誰知  
暖也誰知老夫聊爲一獻欵梅也題詩松也題詩

又

一天和氣益春暉桃也芳菲李也芳菲若教風打雨淋  
漓紅也塵泥白也塵泥花前把酒插花枝歌也相宜  
舞也相宜鶴長鳧短總休提長也天知短也天知

江城子五月十二壽萬拙齋

去年今日瀉天瓢水滔滔斷藍橋阻我羣仙鸞鶴赴蟠  
桃獨有商羊偏喜雨跳且舞上山椒今年南極見丹  
霄射金蕉瑞光搖澆去胸中磊塊儘酩醕莫厭琵琶彈  
舊曲長聽取鬱輪袍

Blank columns on the right side of the page.

Blank columns in the middle of the page.

Blank columns on the left side of the page.

Blank columns on the far left side of the page.

龜巢詞補遺

如夢令陳彥真居毘陵鶴溪之陰中年以來斥斷家事  
黃冠羽衣翛然物外余聞而嘉之故作此以贈  
滿眼青山如畫說甚玉堂金馬頭戴鹿皮冠穿箇布袍  
冬夏都罷都罷心上了無牽挂

又

一帶鶴溪環繞溪上石田多少春雨駕龍耕種得玉芝  
瑤草堪笑笑堪笑海水幾番乾了

又

蘿屋不經風破苔徑不教塵浣魚鼓洞仙歌童子唱來  
還和閒坐閒坐窗下白雲飛過

又

松菜酒香春甕更有麻姑相送日日瀉流霞添我胸中  
鉛汞珍重珍重浮世本來如夢

江城子賀蕭墅張克讓戊申正月九日初度生孫是日

立春節也

阿翁初度宴重闈正熙熙醉如泥春到階庭玉樹長孫  
枝座客持杯停壽曲都聽取鳳雛啼 明年蓬矢兩弧  
垂對佳期試周期看取干戈俎豆弄金龜彭祖春秋應  
八百孫似祖與年齊

南樓令老友劉景儀去秋以星術之書推測年命謂今

春當卽世乃預集葬具且自爲埋銘及賦詩自



挽既而失去行囊之資用鬱鬱然康強無恙余  
故作此曲戲而付之

生死隔年期劉伶老似癡動教人負鍤相隨驚得青蚨  
飛去了無酒飲卻攢眉 春暖典春衣還堪醉似泥趁  
清明雨後游嬉楊柳池塘桃杏塢春水漫夕陽遲

高陽臺題張德機荆南精舍圖

陽羨溪山輞川煙雨隱然畫裏觀詩芳草王孫別來幾  
度春歸最憐屋壁藏蝌蚪化劫灰飛入昆池好階墀書  
帶青青竹雪霏霏 相逢共約歸期待玄龜出洛朱鳳  
鳴岐北壑幽尋正須重置荷衣斬蛟射虎都休問有白  
鷗堪與忘機近西枝移我龜巢鄰爾漁磯

沁園春寄崑山友人並自述

泉石膏肓塵土驅馳還家鬢霜想吟邊茗椀清風習習  
醉中琴操流水洋洋口不雌黃眼無青白鳧鶴從教自  
短長閒居好有溪篷釣具林館書牀春風賓主壺觴  
坐慈竹軒中挹翠香儘劇談千古神游混沌高歌一曲  
興在滄浪老我牛衣懷人馬帳誰似彭宣到後堂都傳  
語問魚書久絕兔穎何忙

又

憶昔移家著處偷生廿有餘霜遭幾番驚怕青天霹靂  
滿懷愁悶蒼海汪洋故步全非新知誤喜襪線初無尺  
寸長龍鍾後方馬歸伏櫪龜作堵牀年來飲不盈觴

也不愛花枝錦繡香與山僧野老交情淡淡盤蔬盃飯  
清話浪浪燕子重來桃花應笑四壁空空一草堂償詩  
債有隔年未了連日猶忙

又寄詢講主

每憶巖房端石玄雲宣毫紫霜想筆端風雨不時蕭颯  
胸中淵海無底潢洋楓落寒江草生春夢欲說天機話  
甚長知音者有眞能入室好與連牀 梅花窗下茶觴  
小團月烹來寶乳香覽吳淞夜月珠光瑩潔崑山霽雪  
瓊液淋浪不出門庭那知世態金玉家家要滿堂長安  
市似遺腥蠅聚采蜜蜂忙

江城子前作五月十二日壽萬拙齋詞意有未盡乃再

歌別紙寫去爲拙齋寬舒逸樂之勸

去年今日訪龐公也  
怱怱去城中回首青山帶雨汗顏  
同茅屋破來風轉急  
愁殺我浣花翁  
今年一笑喜相逢  
海榴紅照簾櫳  
休把閒愁牽繫  
廢歌鍾  
請看灰飛千里  
草金滿塢總成空

西江月與鄧景文先生干借姜堯章詞

十載不歌金縷  
秋娘已負青年  
朝雲飛過畫樓前  
無復爲人留戀  
默坐鷓鴣聲裏  
尋思白石詞仙  
好將花樣更流傳  
重覩春風人面

蝶戀花贈萬彥述鸞膠重譜

一曲求凰彈越調  
紅葉殷勤鳳已成  
雙了織翠輕裾雲

縹緲多情佩有宜男草  
十月小春天氣好春到南枝  
梅藥含微笑珍重畫眉人起早風流不讓張京兆






雙溪醉隱詩餘目錄

鵲橋仙

眼兒媚

太常引

木蘭花慢



雙溪醉隱詩餘

耶律鑄 成仲

鵲橋仙 閩州得稼軒樂府全集有西江月而今何事最  
相宜宜醉宜閒宜睡或曰不若道宜笑宜狂宜

醉請足成之

皇都門外玄都觀裏露井樹旁歌意先生憑恁作生涯  
只嘲柳嘲桃嘲李 酒龍歌鳳莫相迴避就取逢場口  
戲且聽人勸要推移更宜笑宜狂宜醉

太常引題李隱君文集

扣聲寂寞播陽春看流水混行雲大雅口扶輪忍顏繼  
齊梁後塵 清風明月四時長在光景自長新不見謫

仙人更何處乘槎問津

眼兒媚醴泉和高齋過煬帝故宮

隔江誰唱後庭花煙淡月籠沙水雲凝恨錦帆何事也  
到天涯寄聲衰柳將煙草且莫怨年華東君也是世  
閒行客知過誰家

木蘭花慢丙戌歲遊永安故宮徧覽太液池蓮瀛桂窟

殿天香閣同坐中諸客感而賦此

花枝臨太液□解語入溫柔銜桂窟低迷天香飄蕩倒  
影遲留須知畫圖難足更青山環抱帝王州□□□  
□□□□□□□□□□□□□□□□□□□□□□  
記水淺蓬萊塵揚滄海一醉都休華胥夢雖無迹甚鼎

湖龍去水空流青鳥不來難問玉妃幾度仙遊





寓庵詞目錄

水調歌頭

滿庭芳

水調歌頭

水龍吟

望月婆羅門引

出  
新  
日  
給

水  
信  
煩  
處

水  
信  
煩  
處

水  
信  
煩  
處

水  
信  
煩  
處

寓庵詞

奉先 李庭 顯卿

水調歌頭史侯生朝

轅門奏歸凱，旭日上初筵。東風萬家香火，春信到梅邊。  
側聽稱觴新語，一滴願增一歲，門外酒如川。詔領八州  
督，聲動九重天。茁蘭芽，輝花萼，樹堂萱。一門餘慶，如  
此今古，幾人全。多少山東父老，久望太平勲業，畢竟在  
何年。整頓乾坤了，拭目認凌煙。

滿庭芳冀德修生朝

燕寢凝香，金貂貫酒，挽將天上春迴。踵門爲壽，盡道謫  
仙才。誰識元龍豪氣，沈雄自湖海中來。十年夢，新亭風

景惟有歲寒梅 老來須共酌鳳皇山峽谷下竹杖芒  
鞋要從今澆下胸次崔嵬釀取周郎醇酎更休用桃李  
傳杯衡門外枯荆尙在千歲看花開

水調歌頭張耀卿壽日

傷心庾開府書劔憶游梁十年流落冰雪如履柏臺霜  
昨日螳螂當轍今日豺狼當路牛背置神光竟訪赤松  
去不顧紫微忙 漢貂蟬萬人傑八州王有君如是何  
事高臥北窗涼傳得黃州密印有病安心是藥此外更  
無方莫袖經綸手遺愛在甘棠

水龍吟蕭公弼生朝

喜逢天上天人一尊共醉梅花底朝元巳了讀書未徧

復來人世憩鶴臺邊景龍門外十年游戲自歸來卻過  
趙州橋上閱橋下東流水盡道翱翔物外解牛刀刃  
游餘地誰知別有香山遠韻謫仙豪氣應笑蹉跎半生  
書劔今猶如此待西風拂口貂裘塵土進黃公履

望月婆羅門引史尙書生朝

太平有象老人星喜照滹陽前銜曾近文昌壽樂堂今  
年餘慶新到五花堂看雞鳴問寢鱗次稱觴白眉最  
良八州督漢侯王院院瓊林玉樹畫戟清香一椿五桂  
更休說燕山竇十郎談塵上白日羲皇





石門詞目錄

南鄉子

憶秦娥

魚游春水

謝池春

綏山月

玉蝴蝶

破陣子

人月圓

燕歸慢

雨霖鈴

金菊對芙蓉

玉蝴蝶

訴衷情

浪淘沙

采桑子

宴清都

望江南

天仙子

蘇幕遮

永遇樂

浣溪沙

洞仙歌

木蘭花慢

珍珠簾

折桂令

踏莎行

虞美人

謁金門

臨江仙

菩薩蠻

金縷曲

八聲甘州

石門詞

新喻 梁 寅 孟敬

南鄉子或以山蒲萄爲獻其味與家園者無異

虬蔓懸秋露驪珠撼曉風倚崖點漆變殷紅味與涼州  
珍貢卻相同 御苑堪移植雕盤合上供猿獠餘顆寂  
寥中多謝樵人分送到山翁

憶秦娥爲南溪廖氏題古梅

湖山曲山頭花照湖波綠湖波綠盈盈仙子鏡中顏玉  
百千年樹繁英簇春光卻在幽人屋幽人屋自然富  
貴海珠千斛

魚游春水避亂還家見桃花盛開

家臨干峰翠幽徑重開荆棘裏小桃花豔春日盈盈霞  
綺香入騷人碧玉杯色映游女青螺髻帶露更嬌迎風  
尤媚 古有牆東避世況似武陵風光美時時獨酌花  
閒別有天地不教掃退看尤好意欲尋仙從茲始巖前  
白雲石邊流水

謝池春花朝

薄寒山閣當亭午瀟瀟雨鳥靜桃花林水坐蘭茗渚玉  
勒驄稀出油壁車何處欲簪花簪不住花紅髮白應教  
人憔悴 春過一半東去水難西駐前半傷多病後半  
休虛負白醴尊滿紫筍山殽具心無累皆佳趣自辭  
觴酌勸客須當醉

緱山月雨夕

急雨響巖阿陰雲暗薜蘿山中春去更寒多縱柴門不  
閉花滿徑蒼苔滿少人過蘭舟曾記蘭汀宿牽恨是  
煙波而今林下和樵歌看風風雨雨滋造物時時變總  
心和

玉蝴蝶閒居

天付林塘幽趣千章雲木三徑風篁雖道老來知足也  
有難忘旋移梅要教當戶新插柳須使依牆更論量水  
田種秫闢圃栽桑荒涼貧家有誰能顧獨憐巢燕肯  
戀茅堂客到衡門且留煮茗對焚香看如今蒼顏白髮  
又怎稱紫綬金章太癡狂人嘲我拙我笑人忙

破陣子

黯黯淒淒草色狼狼藉藉花枝江上煙波天共遠樹外  
雲山路更迷故人音信稀因病縱教廢酒非愁自懶  
題詩芍藥荼蘼開漸近蹴鞠鞦韆樂有誰雨傷風憊時  
人月圓春夜

三春月勝三秋月花下惜清陰錦圍繡陣香生革履光  
動蘭襟棠梨枝顫乍驚栖鵲夜久寒侵明朝風雨休  
孤此夕一刻千金

燕歸慢上巳雨

花徑蕭條恰桃霞已盡梨雪初飄雲霾曠麗景風雨妒  
佳朝山中行樂本寥寥那更值年荒酒價高諸生共高



詠只閒靜勝嬉游 千嶂暝故人遠  
澗妨馬步平橋象  
筵寶瑟何由見與誰共羽觴浮  
蘭亭遺迹長蓬蒿怎能  
句山陰棹小舟對景度新曲  
獨堪向故人求

雨霖鈴夏景

螺峰堆綠夜來經雨渾似膏沐  
飛泉怒瀉崖谷懸霜練  
□鳴蒼玉虎迹巖前過處踏破  
翠苔褥聽啼烏山北山  
南樹杪殘雲自相逐 蓬門日  
晏稀來躅稱幽人獨步  
看新竹移牀松下零露三四點  
怎沾緗軸日永如年況  
是身閒不受拘束休妄想  
鴉鷺朝班聊且伴麋鹿

金菊對芙蓉秋思

玉刻奇峰藍拖秀水秋光渾似  
耶溪渺蒼煙十里白鳥

孤飛恨思越女芙蓉豔蘭舟小桂棹輕移西風殘照樵  
人漁子結伴尤宜無柰物理難齊歎魚鰕苦瘦雁鷺  
多肥望茫茫江海今更何之溪頭綠樹親曾種耐寒暑  
應笑人衰青山千仞白雲萬頃須理荷衣

玉蝴蝶 丙午元夕

霽景煙霞五色黃金柳嫋碧玉桃開再覩昇平氣象處  
處春回且追隨村歌里巷休耽戀綺席樓臺獨徘徊人  
看月上月趁人來因懷金陵舊曾游玩口街燈火遠  
照秦淮勝友同歡醉聽笛鼓鬧春雷幾年閒風馳雲往  
千里外水複山迴是仙才颿輪許借重訪蓬萊

訴衷情

李花當戶開桃花妍景雪兼霞春風送將春色照耀野  
人家 回蝶使罷蜂衙日初斜雙鶯窗外雙燕簾閒共  
惜穠華

浪淘沙

檐溜瀉泉聲寒透疏櫺愁如百草雨中生誰信在家翻  
似客好夢口驚 花發恐飄零只待朝晴彩霞紅日照  
山庭曾約故人應到也同聽啼鶯

采桑子

孟夏

舍南舍北多桃李子滿青枝曲徑冥迷新竹增高舊竹  
低 掃苔坐石何妨久行步常遲竚立移時雲起東峰  
日墜西

宴清都端午

帶恨湘江水無柰遠楚雲天際千里靈均一去芳蓀翠  
減香籬青死龍舟鼉鼓聲沸歎舊俗空誇水戲樂少年  
越女吳姬□□王孫公子 曾記南浦芙蓉東湖楊柳  
斜日歌吹綵舟載酒綸巾揮扇勝友同醉而今白頭蓬  
委但諳慣獨醒滋味好只把蘭佩荷衣從今料理

望江南傍村之民兄弟四人坐豪奪民產遠流

山深處豺虎縱跳跟但愛體肥貪肉食那知腹飽是身  
殃天網甚恢張 千里外魑魅可同鄉三尺正當嚴律  
令四凶那得詫強梁稽首謝君王

天仙子苦熱

六合似鑪雲似火□□熱氛□霧鎖此時那得羽翰生  
冰窖過風巖坐瀑布濺衣珠萬顆未旱先愁愁怎躲  
如在顛崖惟恐墮急須霖雨慰蒼生名譽播江之左誰  
在東山深處臥

蘇幕遮

白蘋乾紅蓼悴日減溪流塵擁渾如霧一日雲凝千嶂  
雨黃葉瀟瀟卻又添新翠墾蒿煙耕草露種麥栽菘  
生計那嫌暮預羨登高歡會阻門掩黃花也自多幽趣  
永遇樂丙午歲仲秋與胡中山同舟往南昌至樟鎮而

返別踰一月作此寄之中山能談泰定數

年少羨君有如瓊樹相見何晚虎瞰山前輕船同載正

桂花香滿封溪一夕孤篷聽浪又趁朔風遄返計行藏  
只堪一笑怕令白鷗驚見君如管輅聰明負異能道  
山翁奇蹇絳闕蓬萊人閒天上翹首仙凡遠何時訪我  
竹溪松壑儘有白雲堪玩寫長懷且寄南飛秋雁

浣溪沙冬景

錦樹分明上苑花晴光宜日又宜霞碧煙橫處有人家  
綠似鴨頭松下水白於魚腹柳邊沙一溪雲影雁飛

斜

洞仙歌舍後山中見羣鹿

孤峰碧峭長雲中瑤草羣鹿牲牲怪希有想高陽少室  
曾伴松喬知踏徧白石蒼苔多少逸人塵外趣翳鳳



驂鸞夢上瀛洲歷蓬島驀見此山中便對煙霞喜共約  
長爲儕友爲借問仙翁在何方願同往從之徧窺巖岫  
木蘭花慢賀彭子壽伯墳叔姪新居

羨樓臺有地不改換舊林塘想叔口東山郎君玉樹籌  
畫非常雲霄正期勲業見先恢庭戶攬風光蒼靄晝生  
翠牖丹霞曉映雕梁春鶯求友候春陽應戀木千章  
宜永日圖書涼颿絲竹皓月壺觴蓬萊宛然異境愛琪  
花瓊草迎人香老矣猶誇能賦憶君夢到華堂

珍珠簾丙午冬雪

西窗夢斷檐光曉雪交墜口口山僮驚報巖岫化銀宮  
白雲似仙島萬樹梨花都開徧怪一夜春風來早凝眺

想千家晏起村花幽悄  
誰解喚掃庭除命雕鞍迎客  
玉壺注酒金帳擁紅妝惜盛歡難久何似袁安門晝掩  
抱清冷年年如舊須候口暖日烘梅竹松回秀

折桂令留京城作

龍樓鳳閣重重海上蓬萊天上瑤宮錦繡才人風雲奇  
士衮衮相逢 幾人侍黃金殿上幾人在紫陌塵中運  
有窮通寬着心胸一任君王一任天公

踏莎行江上阻風

疊浪堆瓊橫煙織素停橈避險灣頭住汀洲連水水連  
雲何曾迷卻歸人路 今夕聊淹明朝須去休愁休怨  
休瞋怒還家正屬好風光啼鶯無數花千樹

虞美人舟中

岷峨雪盡生春水江闊盤蛟喜蘭橈曉發大江東  
回望銀宮金闕五雲中來時秋渚蒹葭老歸日春花  
早客身千里似征鴻恰恰秋來春去總相同

謁金門舟中對月

天似洗遙望楚山千里歸雁數聲雲外去此身猶滯此  
半夜潛蛟不起潭月金鱗光細獨倚孤篷渾不寐碧  
流清見底

又采石花朝

春正美處處豔桃穠李記昔花晨今日是柰何辭帝里  
采石蘭橈暫倚且與舟人同醉心已到家身尙未客

中聊復爾

臨江仙舟中

十日江程春過半  
渚青新長蘆芽  
李花幾樹閒  
桃花嫩黃煙際柳遠  
白水邊沙老子老來心似水  
肯教愁緒如麻  
扁舟來往似仙槎  
還家今有日那得更思家

菩薩蠻湖口

海門西上帆如電  
神君借與天  
風便容易見  
廬山雲中雙鶴遠  
風波口不怒  
水碧涵山翠  
沽酒酌江神  
醉吟湖上春

金縷曲泊南浦

南浦歸帆暮  
喜重看螺江煙柳  
鶴汀雲樹  
畫棟朱簾歌

舞地風景已非前度只浩蕩濤波□□相望飛揚鵬翅  
展羨雄城防衛多貔虎又喜免亂離苦 舊時猶記登  
臨處共詩朋賦友同歡詠吟懷古兩鬢星星今老矣卻  
似荼蘼孤注歎桃李不知春去獨有洪崖青不改似於  
人戀戀能相顧招我隱有佳趣

八聲甘州 近里有妄男子爲妻所詬遂忿而遠去誓云  
非富貴不歸其妻亦誓獨守无妄旣歷十五  
年夫竟旅困羞歸而妻能潔以自守獨理其  
家因詠以勵薄俗

記年時波蕩兩鴛鴦雌雄各分流恨郎心似水妾心如  
石此恨難休自古恩深似海富貴等雲浮何忍輕離別

翻愛爲仇 君看江頭枯樹縱春風虛過根幹仍留且  
牽蘿空谷蓬戶自綢繆想秋胡未忘故態怕無金相贈  
卻懷羞歸來日郎瞋妾忿都合冰消



書林詞目錄

滿庭芳

滿庭芳

青玉案

賀新郎

瑞鶴仙

八聲甘州

清平樂

蕭子雲

謝靈運

謝靈運

謝靈運

謝靈運

謝靈運

謝靈運

書林詞

滿庭芳 壽范竹友老鄉長

鄞 袁士元 彥章

淇澳風清渭川月朗此時天產耆英蒼蒼標格挺出白  
雲層最好堅心勁節傲多少桃李虛情人都道孫枝子  
葉早已肖龍形 長春曾不老襟懷一片玉立冰清喜  
七賢六逸總是交朋試聽鏗金戛玉玉堂上壓倒梅兄  
君知否平安信好永耐歲寒盟

瑞鶴仙 壽倚雲樓公

綠陰深院宇正簾捲華堂午風清暑榴花紅半吐記仙  
翁此夕城南別墅酒朋詩侶共歡宴瑤池容與笑橫空

老鶴飛來還入五雲深處  
念此閒情如許別後蓬萊  
迴隔風雨冰紈翠縷終不似舊眉嫵白胸中溫養金丹  
樂事莫負花前尊俎最堪歡滿眼兒孫綵衣戲舞

滿庭芳

壽宋羅夕元帥

菊後秋深梅邊春近江天積雨初晴日湖南畔光現老  
人星盡道元戎公相今朝裏福壽相仍當華誕黃麻詔  
下萬里被恩榮生來真活佛心田一片寬厚和平好  
賢哉喬梓雍肅家庭顧我寒櫺書客經年裏眼特垂青  
情歡處新詞一曲把酒祝長生

八聲甘州餞帥闖張仲淵外郎

先福建帥府出海捕

又西風吹動塞雲飛碧天倚清秋擁長亭祖席斜陽旗  
影楓葉江頭贊畫雄藩三載蓮幕更風流愧我黃塵客  
拂袂從遊 記取環峰亭下問元戎戰艦巧運機籌共  
輕裘緩帶坐看瘴煙收念平生稜稜英氣稱沙堤近侍  
驟驂騶須知道月明千里人在瀛洲

青玉案

餞李州判爲鄞縣監病假攝政歸

江城十月春猶小問解印何須早鄞水長官清健了爭  
如歸去長汀風月依舊平分好 謫仙襟度人間少留  
借無緣意頻悄近種棠陰猶草草會看他日腰金衣紫  
五馬來蓬島

清平樂 贈張居仁獲賊有功賜三界巡檢

鼇波萬里羣盜如蜂起擒卻四凶天使喜特命一官入  
仕世家元在兜鍪少年膽氣橫秋自此將軍一步會  
看談笑封侯

賀新郎

陳架閣家盆藕閒歲復開

淡月黃昏裏粉牆陰盆池漾綠藕花初吐悄似飛來雙  
屬玉風動翩翩素羽漫引得人人爭覩拍手闌干驚欲  
起口悵然竝立長凝竚思往事意容與當年妙選登  
蓮署正花開邀朋醉賞尙留佳句藏白收香今六載還  
我風流檢府最好回冰姿清楚一點炎塵曾不染縱盤  
根錯節仍如許花爲我笑無語



貞素齋詩餘目錄

滿江紅

酹江月

蝶戀花

酹江月

謁金門

水龍吟

折桂令

風入松

沁園春

小重山

朝天子

江城子

水龍吟

沁園春

水調歌頭

太常引

風入松

賀新郎

虞美人

--	--	--	--	--	--	--	--	--	--	--	--	--	--	--	--	--	--	--	--	--

11  
11

11  
11

貞素齋詩餘

績溪 舒 頔 道原

滿江紅時雪快晴苗民攻宣未克往來郡邑閒擾攘尤  
甚憲府移司於徽視而不問歎時事之靡寧哀  
生民之塗炭因賦此曲兼柬邑令郭文盾

天也多情巧幻出天河寒水多態度悠悠颺颺輕黏窗  
紙萬里豈無祥瑞應四方已在飢寒裏把溪山好處縱  
模糊須臾耳 江海闊風塵起狐兔狡鷹鷂恥假蠻夷  
威柄侵漁而已諸老忠良皆柱石九重仁聖真天子待  
明朝晴霽看青山清如洗

醉江月

三槐氏胄早榮陞大府展施才調應欲濡須兵革後幾  
度愁紆懷抱翦燭寒更催科春晚諸事安排了簿書叢  
裏辛勤說與誰道遙想淝水西邊三賢堂古孝肅名  
偏好爲我瓣香先致敬耿耿寸心相照贊畫侯藩趨承  
相府指日登樞要不堪離別一尊聊爲傾倒

蝶戀花送胡一之上襄陽

鍾阜相催何汲汲猿鶴休驚卻上襄陽驛袖拂峴山碑  
蘚碧淒涼淚眼今猶昔勳業正須年少日楚雨湘雲  
囊錦都收拾祇恐綠閨春寂寂孤鸞背月鮫綃濕

酌江月送指揮司王仁卿知事代廣陵郡官作

人生交誼篤金蘭氣味不堪離別綠水紅蓮聲價舊又

向高郵施設幕底清風樓前明月此意憑誰說美哉魚  
米此行足可怡悅 聞道細柳營中三軍整肅訓練真  
奇絕贊畫公餘閒拭目午夜劍光明滅料想明年榮膺  
薇省高步登天閣片雲相隔人來應問華髮

謁金門

人磊落移贊高郵幕采筆生春和氣作軍民同此樂  
休說邊陲蕭索米白魚肥如昨別後情懷何處託寒  
光倚山閣

水龍吟慶陳仲洪造家慶樓

人間何處無樓算來積善應難得操持一念應乎萬事  
盡皆陰德伯仲怡怡親明濟濟雲仍蟄蟄任才高王粲

興同庾亮誰敢與元龍敵 珍重劉郎好事好溪山爲  
君拈出眼前標致壁閒圖畫屏閒松竹春晚憑高秋晴  
眺遠翠紅如識待他年看取飛來五鳳記如椽筆

折桂令壽張德中時三月三日

問仙娥何處稱觴帕遞香羅壽祝張郎整整杯盤低低  
歌舞澹澹韶光 想無媿乾坤俯仰且隨緣詩酒徜徉  
樂意何長人醉西池月上東牆

折桂令

過今朝三月初三昨夜長庚書幌光含狂客追歡歌姬  
索笑餘子醺酣 且莫說鶯兒睨睨試聽它燕子喃喃  
此樂何堪多君暢飲容我高談



風入松

故人情況近如何應被酒消磨醉來笑倚娉婷臥傷心  
處暗搵香羅肱曲紅生玉筍鬢偏翠卷新荷薰風枕  
簟屈時和著我醉□歌襄陽舊事今安在風流客屈指  
無多休說玉堂金馬爭如雨笠煙蓑

沁園春

閒處如何也堪吟詩也堪弈棊想白衣送酒誰如元亮  
白鵝換字誰似羲之濠上觀魚雲閒呼鶴此樂人閒未  
易知平生性喜不爲酒困常帶書癡儘教步武天池  
且贏得閒身一會嬉便朝登金馬何裨世教暮趨玉殿  
安救時危赫赫功名堂堂事業不博先生這肚皮休瞞

我任官高祿厚也要些兒

小重山端午

碧艾香蒲處處忙誰家兒共女慶端陽細纏五色臂絲  
長空惆悵誰復弔沅湘往事莫論量千年忠義氣日  
星光離騷讀罷總堪傷無人解樹轉午陰涼

小重山時有武林之行值時變故弗果因賦之

笑問西風一葉舟阿誰招我上武林游豈知身世兩悠  
悠西湖好孤負桂花秋應笑樂平侯無端千百計一  
場休願將功烈闡皇猷南飛雁莫爲稻粱謀

朝天子

學駮妝癡誰解其中意子規叫道不如歸勸不醒當朝

貴閒是非子心無愧儘教它爭甚底不如它瞋睡不如  
咱沈醉都不管天和地

江城子歌者張氏戴仲德仲本時以茶謁其家戲書以

貽之

戴郎昆仲太風流翠娥愁解貂裘醉中摸索玉搔頭繡  
被搵香肌粉滑雲作帳月爲鉤 茅庵權當小秦樓意  
綢繆話揚州瓊花騎鶴兩悠悠薄倖三生今老矣無夢  
到那溫柔

江城子

積雨陂塘五月秋送還留且停舟聽我驪駒歌徹上廬  
州無柰綠窗眉鎖恨情脈脈思悠悠 同鄉翻作異鄉

愁善謀猷儘優游不見閭閻談笑覓封侯勳業此時都  
莫問書有便寄來不

水龍吟端午日寓苧干作時四方洶洶民思太平而勢

未寧也

輕雲閣雨還晴蒼黃又負端陽節去年今日大鄣深處  
寸腸千結好事無多良辰難再猶傳遺孽看連城瀕洞  
大家愁惱這光景何時歇因想金陵佳麗闌秦淮龍  
舟稱絕牙檣錦纜翠冠珠髻畫闌羅列回首北墟滿襟  
塵土向人空說且停杯容我離騷細讀弔羅江月

沁園春

多少閒情桃源問蹊柯山看棊把杏花春雨從頭吟了

木犀秋月開戶邀之氣捲風雲眼空江海萬古從前我  
已知君休笑任陳搏假睡豫讓佯癡風回太液清池  
欲留住東皇共笑嬉想乾坤浩浩誰曾整頓干戈擾擾  
孰問安危籠絡人才登崇祿秩赤箭青芝敗鼓皮都休  
問看營巢燕子哺乳鶯兒

水調歌頭時楊溪避兵

飽來石上臥醉向水邊吟山靈不管閒事容我儘登臨  
山外猿啼鶴唳世上虎爭狼鬪此地白雲深今古一杯  
土天地亦何心隔茅廬塵萬丈不相侵林泉自有佳  
處石溜假鳴琴漢室煌煌大業唐代昭昭正緒此理細  
推尋高詠出山去草木亦知音

太常引

□□山色共承宣君秩滿我遲延幾度醉花前曾怪殺  
春山杜鵑 菱花再照鸞膠再續應笑雪盈顛深夜語  
嬋娟也曾是都門少年

風入松雨後偶成

紗厨過雨晚涼生枕簟不勝清冰肌玉骨元無汗香風  
迴深院語流鶯翠幌光搖絳蠟畫堂暖瀉銀瓶 玉箏  
牙板接新聲雲髻寶釵橫銀絲膾細江鮫脆揚州月照  
我醉吹笙舊事十年猶記壯懷此日堪驚

賀新郎

繡隱芙蓉褥更屏閒雙雙孔雀閒金盤綠鶴別鸞離深



闌悄帳冷梅花夜獨空夢繞巫山千矗雨意雲情紅顏  
霜鬢合歡再把鸞膠續事諧矣意方足 洞房春暖人  
如玉怕的是雞聲遞曉無情催促笑拂菱花相依照取  
次畫成眉曲伊也道臨邛何辱吉叶熊羆應入夢看這  
番桂子紛追逐爲君喜醉紅燭

虞美人聞邑雲臺煙火花燈老倦不復往觀

紛紛兒女看燈去千點搖紅樹翠鰲山倚紫雲堆記得  
年時老子也曾來 硫磺結縛通仙技光燄千般異今  
年老子懶來看手弄梅花和月倚闌干

此水不固應歸床床入才斗

...

...

...

...

...

...

...

...

可庵詩餘目錄

臨江仙

感皇恩

滿江紅

水調歌頭

木蘭花慢

[Faint vertical text columns, likely bleed-through from the reverse side of the page]

可庵詩餘

績溪 舒 遜 士謙

臨江仙偶成

銀燭光搖秋夜永一天涼浸詩脾鳴蟲唧唧漏遲遲半  
生春夢裏彷彿是耶非 萬事破除惟有酒當歌不飲  
何如人生七十古來稀休爭強與弱行樂是便宜

感皇恩述懷

疏雨滴清秋洗殘流火爽動涼颿透簾幕寒蛩吟徹誰  
道小口蕭索青鐙相伴我情依約 螢照更殘烏啼月  
落悲壯山城數聲角漫漫長夜扣角長歌方覺人生能  
有幾許行樂

滿江紅小莊有感

歲晚江空更風雪連朝情惡門緊閉清寒爨爨重重簾  
幕老屋數椽聊掩庇山田幾畝多磽确歎前村喬木碧  
參天今凋落三杯酒還堪樂一局棋尤難著任功名  
蓋世到頭都錯世事宛如春夢短人情恰似秋雲薄對  
青燈感慨幾興亡今猶昨

水調歌頭壽貞素兄

稀年古來少何況又逾三雙瞳炯炯凝碧白髮更盈簪  
剛把殘冬留住先借新春四日拚醉倚晴酣榮悴付定  
命艱險任經諳舞斑衣沾臘醞典春衫觥籌兄弟交  
錯同是鬢髮自喜衣冠奕世未墮詩書如線此外更



何慚笑問梅花信春已到枝南

木蘭花慢壽貞素兄

怪夜來南極祥光炯炯中天恰先借新春暫留殘臘爲  
慶稀年弟兄垂垂白髮願年年輝映棣樓前尊酒光搖  
□旭鑪熏細裊輕煙 詩書一脈繼青氈五世喜家傳  
憶京口橫經天臺振鐸往事悠然回頭十年如夢看園  
花灼灼幾春妍爭似蒼蒼松柏歲寒同保貞堅

Blank columns for text on the right side of the page.

Blank column for text in the middle-right section.

Blank column for text in the middle section.

Blank column for text in the middle-left section.

Blank column for text in the middle-far-left section.

Blank column for text in the left section.

Blank column for text on the far left side of the page.

竹窗詞目錄

浣溪沙

漁家傲

浣溪沙

阮郎歸

清平樂

菩薩蠻

鷓鴣天

漁家傲

清平樂

浣溪沙

菩薩蠻

鷓鴣天

風入松

滿江紅

八聲甘州

滿庭芳

買陂塘

蹋莎行

沁園春

千秋歲

喜遷鶯

清平樂

朝中措

竹窗詞

歸安 沈 禧 廷錫

浣溪沙瀆川八詠爲施以和填 香徑春遊

三月韶華景最幽越羅初試換輕裘采香徑裏作春遊  
西子不來花自好吳王去後水空流感時懷古卻生  
愁

漁家傲虹橋晚眺

溪上雨晴天似洗遙峰幾點空濛裏策杖虹橋閒徙倚  
當此際霞光映水浮鮮綺 最是晚來增好趣漁歌樵  
唱堪人耳喚我浩然吟興起風景美幔亭赤壁徒爲爾  
浣溪沙美潭漁集

罷釣收綸日向西美潭深處聚幽棲東船西舫往來齊  
旋斫錦鱗沽白酒還烹紫蟹殺黃雞杯盤狼藉聚嬉  
嬉

阮郎歸山市樵歌

煙蓑霧笠擔隨肩斧柯腰下懸生涯只在白雲邊觀棋  
曾遇仙忘世慮斷塵緣逍遙傲葛天醒時一曲醉時  
眠風清月正圓

清平樂太湖月波

秋蟾澄皎影落波心小三萬六千何渺渺倒浸玉京瑤  
島姮娥笑倚欄干素鸞飛處光寒喚起謫仙同玩浩  
歌激碎狂瀾



菩薩蠻靈巖嵐翠

幽軒東面靈巖麓四時佳氣供吟目雨過斷織埃鬱藍  
屏障開嵐光浮翡翠日射添明媚高湧出雲閒只疑

西子鬢

鷓鴣天錦峰晴雪

蜀錦峰頭雪半融倚空一朵玉芙蓉面朝陽處光消釋  
背向陰邊尙積重天氣朗日光瞳看來渾似畫圖中  
灞橋何處騎驢叟西水誰招載鶴翁

漁家傲口浦澄霞

浩渺湖邊三萬頃無風帖帖平如鏡更好晚晴霞弄影  
天宇淨望空一抹胭脂凝紫錦紅綃空茜靚紆藍口

碧祥光瑩餘暈飄搖斜復正堪唱詠落霞孤鶩遙相並  
清平樂題扇小景

平湖渺渺一葉扁舟小蕩漾不須頻舉權觀盡雲山多  
少問渠樂意如何平生慣識煙波載卻月明歸去數  
聲欸乃清歌

又題漁父圖

煙波深處占斷溪山趣逢著忘機閒伴侶斫錦鱗烹  
煮隔船相喚相呼甕頭酒盡須沽醉後都忘爾汝生  
來不識榮枯

浣溪沙詠鵲

刷羽枝頭翠色新能傳芳信與闈人結巢長借拙鳩鄰

飛入懷中曾化印聚來河上爲填津休言微物解通

神

又

著罷南華一卷書放情口水自如如卻將仁義等遽廬  
千駟萬鍾無足貴簞瓢藜藿有贏餘氣吞八極隘堪

興

菩薩蠻

峨冠博帶青藜杖行行獨步青溪上時抱一張琴雲閒  
覓賞音煙霞深處好泉石甘終老我亦斯人徒俱當

來與居

鷓鴣天

購得南山萬歲杉，堅逾松柏健逾栴。還邀天上公輸子，  
來與麻姑斲寶函。狸首媚雉紋斑到頭受用有何嫌，  
從今更益無疆壽。高並南箕更上南。

又水仙詞

邂逅江妃澤畔逢，何年謫降蕊珠宮。輕綃翦袂羅裁鞞，  
秋水爲神玉作容。清淺處，月明中。凌波微步欲飄空。  
三生已斷身前夢，一味全真林下風。

又詠紅梅壽守節婦

萼綠仙姝慶誕辰，酖顏暈酒粲朱脣。霞綃翦袂雲裁佩，  
絳雪爲肌玉作神。超俗態，斷凡塵。飄然風韻奪天真。  
能堅北嶺冰霜操，不競南園桃李春。

風入松子猷訪戴

一天飛絮滾成毬  
玉琢酒家樓  
鳥飛不度人蹤絕  
朔風凜寒氣颼颼  
偏稱歌姬帳底獨憐漁父江頭  
此時清趣若爲酬  
千載尙王猷  
知心忽爾思安道  
冒嚴寒趣口扁舟未至山陰遽返爲言興盡而休

又詠畫景

竹冠藜杖葛裁襟  
華髮半盈簪  
塵緣一點無縈絆  
閒邊趣不管  
浮沈姓字不聞人  
耳夢魂長繞山林  
相隨惟有一牀琴  
得趣最幽深  
溪橋野徑忘危險  
任迢遙爲覓知音  
一曲高山流水利名都不關心

又詠扇

一彎誰翦剡溪牋雪色照人鮮湘筠削骨勞工製最堪  
憐舒捲輕便動處清風披拂展時明月團圓流金爍  
石勢如然此際有威權只愁一夜西風到又誰知中道  
拋捐自昔炎涼故態始終難保相全

又

一溪新水綠漣漪嫩柳嫋金絲扁舟載得春多少輕搖  
過蘆荻沙隄驚起一雙鷓鴣飛來幾點鳧鷖筆牀茶  
竈總相隨蓑笠不須披煙波深處耽清趣任逍遙不管  
伊誰抱膝吟餘好句回頭又得新詩

又

溪山如洗雨纔乾蘆荻暗江湍沙明水碧嵐光淨似丹



青圖畫宜看風捲浪花翻雪口飄金粉生寒老翁終  
日把綸竿瀟灑異衣冠想應自得煙波趣又何心顯職  
高官蹤迹往來吳楚夢魂不到長安

又

虬枝撐月倚高寒瘦影拂琅玕露華冷沁蒼苔潤更深  
後萬籟聲乾塵慮於時頓息沖襟此際惟寬儼然妝  
飾整衣冠獨抱素琴彈鏗金戛玉何清越知音少空自  
嗟歎志在高山流水口驚別鶴離鸞

又

詠俞紹庵秋蟾臺

層臺高築勢嶄巖迢遞隔閭閻不將貯彼狂歌舞深秋  
夜登玩銀蟾爲愛一輪光皎又看孤影廉纖桂花香

裏口吟髯興趣自能添露華涼透羅衣薄更深也萬籟  
聲潛彈罷瑤琴三疊還將玉管重拈

又紅梅慶六十壽

陽回潛谷起蘋虬萬斛燦琳球芳姿占得先春意冰霜  
操甘抱清幽野店溪橋託質蒼松翠竹爲儔壽筵開  
處接瀛洲彷彿見羅浮朱幢絳節參差下香風靄共集  
南樓爲慶人閒甲子來添海屋仙籌

又題城西草屋

隱君家住郭西闔清政總堪論身居塵市心北壑四時  
將風月平分座有洪儒談笑門多長者蹄輪數椽草  
屋僅容身別是一乾坤小花木饒佳趣勢嶄巖氣壓

崑崙興到自彈絳綺閒來時倒金樽

又贈鶴巢鍊師

茸茅編葦結行窩四壁蔓煙蘿風櫺月牖通幽爽斗來  
寬地促無多高接上清真境雄吞萬象森羅道人星  
夜起玄科飛佩振鳴珂劍光灼爍衝牛斗斬妖精降伏  
邪魔赤壁坡仙復起華亭丁令重過

又壁閒畫松

白雲堆裏奮蒼虬橫亘洞庭秋掀髯舞爪何獍惡崢嶸  
勢抉石崩流飛入君家欄檻滿堂風雨颼颼須臾煙  
霧漠然收幻出老松楸誰濡墨汁傳神妙森森露鐵戟  
戈矛對此翠濤銀浪也勝瑤島滄洲

又贈畫師

隱君家住白雲深，華髮已駸駸。芒鞋蹋破莓苔徑，何曾  
憚石磴嶷嶷。問酒每過村店，訪僧時叩禪林。歸來高  
臥北窗陰。名利不關心。半生清樂甘吾分。簞瓢飲不慕  
腰金。胸次包含北壑筆端，幻出雲岑。

又贈歌者馬桂香

露華亭館月明多。邂逅遇姮娥。藕絲嫩織仙裾薄，按霓  
裳一曲，高歌袖拂天香。縹緲舞翻清影，婆娑玉繩低  
轉。夜如何雙曜渡，銀河千金一刻。孤負得磨跼，且共  
磨跼。漫把淮南招隱不教空老巖阿。

又題石壇道士焚香

暮雲收盡紫霄寬，灑氣襲衣冠。清泉白石，長爲伍，松頭  
露冷滴方壇。此際干林影斷，於時萬籟聲乾。道人星  
下禮蒲團。寶鼎爇沈檀。風吹霞袂飄飄舉，想芳名已注  
仙班。東訪麻姑，跨鳳西邀金母，乘鸞。

又水仙

憶從湘浦遇瓊仙，解佩是何年。冰姿不許鉛華，污淡凝  
妝，風度飄然。長伴霜前青女來，尋月下嬋娟。一塵難  
染淨娟娟。獨立晚風前。黃冠翠袖，殊清雅，誤思凡。謫向  
江邊，馨弟梅兄，是侶桃嬌杏冶空妍。

又賞牡丹

壽安新試粲紅裳，珍重異尋常。羣芳落盡，呈嬌態，倚欄

千獨殿春陽賸放天香國色全勝魏紫姚黃  
天時人事正相當日日具壺觴不妨醉了重教醉忍孤負豔質  
濃芳明日再攜肴核還來花底徜徉

又漁隱

綠蓑新製把漁竿擺脫舊衣冠扁舟去住無拘繫朝吳  
楚暮宿湘湍且躲是非榮辱不愁雨暑風寒得魚沽  
酒任盤桓但覺醉鄉寬姓名不落時人耳對清風明月  
團圓蹤迹長依雲水夢魂只繞江干

又題驛亭圖

使軺今夜宿郵亭邂逅見娉婷琵琶斜抱生嬌媚悄無  
人獨倚幃屏絃內暗傳心事鐙前略敘幽情麗詞一



曲按新聲調格總  
高。清筵前。明日人傳唱，難遮掩耳目。  
聰明一宿風光固好，百年名節俱傾。

又題來青樓

畫樓高出子城灣，捲幔見南山。  
堆青疊翠，排天際，似蛾眉巧，縮雲鬢。  
風月四時長占，星辰午夜宜攀。  
蓬萊仙闕有無閒，望處隔塵寰。  
何當養就昇天翼，恣翱翔飛去，飛還縱目。  
真窮寥廓，置身如履，孱顏。

滿江紅

詠全溪清隱

揀好溪山容，我住有幽禽。  
調曲縛數椽，低低茅舍也勝華。  
屋鎮日柴門無俗客，一渠流水鏗金玉。  
任苔痕草色帶朝煙，侵階綠。  
籬邊種陶潛菊，窗前植王猷竹。  
樂有

餘坦率頻忘榮辱吾愛吾廬真得趣男婚女嫁情緣足  
總明朝風雨及陰晴眠初熟

八聲甘州詠施以和溪南小隱

揀西南好處創幽居小結兩三楹有數竿脩竹五株疏  
柳四野來青最喜詩朋酒友口共締幽盟放浪形骸外  
不事浮名足迹何曾入市口性口樗散不慣逢迎歎  
區區逐利抵死起紛紛爭如我清風皓月助吟懷何用  
一文口口口迭爲賓主嘯傲忘情

滿庭芳詠俞紹庵九芝堂

節義名門簪纓華胄聖朝旌表昭彰聲譽籍甚青史注  
遺芳積善偏鍾餘慶天地報芝之產中堂人希見九莖並

茁奕燧絢祥光 應知和氣萃致生嘉瑞千載永流香  
況家傳詩禮名著吳邦百世箕裘不替慶源遠支派悠  
長君知否孝誠感格靈異豈尋常

又爲施克明題雪擁藍關圖

雪擁藍關雲橫秦嶺馬頭道路迷茫幾回翹首何處是  
家鄉欲革當時弊政攄忠盡罄瀝肝腸誰知道一封奏  
入萬里貶潮陽 傷心牢落處形孤影隻地遠天長幸  
道逢孫姓有意相將早悟花閒詩意免教口至此倉皇  
頻分付瘴江落日吾骨好收藏

買陂塘贈徐孟祥用夢庵先生韻

愛雪堂面湖依壑望中一碧千頃波光倒浸雲山晚風

蕩水晶簾影塵迹迴有牧唱樵歌宿酒頻驚醒開口釣  
艇傍蓼岸蘆汀盟鷗狎鷺適盡閒邊興漫修省我已  
樂天知命何妨簞食瓢飲盡將得失付無言有酒且須  
觴詠開三徑彷彿似柴桑松菊何愁冷優遊晚景白雲  
如肯容分便當卜築來共此中隱

蹋莎行 追次雲閒王德璉韻爲施以和作香奩八詠

金盆沐髮

鳳翅煙凝鴉翎膏膩湘雲一片簾前墜頻呼小玉灌蘭  
湯金盃澣灑輕接洗 翡翠窗前合歡帳底殷勒重把  
殘妝理拂匣開鑑對青鸞芙蓉彷彿臨秋水

又月奩勻面

桂影流金梨花呈素蟾宮不鎖霜毫兔休教容易負年  
華西風樹樹行相妒玉鑑冰壺翠煙紅霧薄籠半壁  
清光露蜂黃蝶粉了勻施忽驚別院笙歌度

又黛眉顰色

翠壓雙蛾瓊鑄香麝春來翻作傷春怨一痕心事鎮相  
縈芳容不似年時舊玉宇澄清金波潏灑寶猊香冷  
煙初斂螺青黛綠總調勻還憑京兆親收點

又香頰啼痕

朔雪砭肌東風浹髓不由中酒人憔悴丁香暗結雨中  
愁相思滴盡枝頭淚恨積巫山情隨湘水斑斑點點得  
殘妝碎待將濡墨染霜毫緘情漫寫鴛鴦字

又芳塵春迹

徑積紅埃風飄難盡一鉤新月雲邊印錦鴛飛去尙留  
蹤青鸞舞罷猶存影沈屑浮香露華滋潤凌波人去  
遺芳恨玉容想像夜曾來星前月底閒吟詠

又雲窗秋夢

綺戶雲窗玉樓絳闕紺園花謝飄香雪其中綽約總仙  
姝乘鸞夜度天邊月地久天長海枯山裂連環擊碎  
珊瑚玦梅花何處斷腸聲一雙驚散莊生蝶

又繡牀凝思

雜組香絨錯綜紋理倚牀脈脈如春醉沈吟暗想玉京  
人雕鞍何處鳴珂里無限離愁誰知就裏滔滔比似



西江水無情日夜向東流一緘好寄相思淚

又金錢卜歡

默禱金錢頻占寶鏡幾同鵲噪無憑準文犀一點暗通  
靈青鸞忽報瑤池信風月情懷漂流心性歸來燕子  
樓臺與風廂幾度立黃昏凌波沁透蒼苔冷

沁園春追次文丞相題張巡許遠兩忠臣廟

臨死不懼臨危不驚何礙何妨縱刀鋸在前鼎鍋居後  
當斯之際覩作尋常天漢橋頭睂陽城上兩處成名一  
樣香精忠操何堪與比出冶堅鋼江山幾見興亡口  
野草平原總戰場慨區區忍死偷生恃寵欺孤虐寡敢  
並遺芳廟食從今綱常不弛功烈何如郭汾陽千秋下

論二公節義天地難量

又壽縣令代人作

花城觀政嘉迎鳧鳥之臨崧岳降神卽上龜齡之祝  
某幸託葭莩敢祈松柏貢南豐一瓣之香遙陳善頌  
賡闕宮三壽之語莫筮賓筵敬錄微詞用伸祝贊伏  
惟電矚以表冰忱某不勝拜賀之至

快閣春邊石欄干外東風晚晴有銀潢公子摩挲石刻  
金華仙伯主掌鷗盟陶柳青新潘桃紅嫩早有豐年笑  
語聲還知道是街頭父老競說昇平怪來雲表長庚  
與一道澄江月共明但壽煙起處千山天遠壽杯滿處  
千尺泉清仁壽堂中長生城內早蹋金鰲背上行明年

準望紫雲樓上一點台星

千秋歲壽詞

幸逢清世四海皆兄弟人未老身無繫閒情湖水鬪高  
興吳山邃酣歌後黑甜一枕南窗睡華誕今朝是綺  
席排良會□□□□□霞觴斟壽酒綵服鏗金佩從  
今去長生永享千秋歲

又

彩霞呈瑞宿雨開新霽春色漸看明媚西池桃並結南  
極星流麗咸贊美千尋笑指崧喬翠綺席宏開際仙  
呂鏘金佩捧瓊斝斟綠蟻共祝南山壽更與莊椿比日  
正永一株獨挺千秋歲

喜遷鶯賞牡丹

春光無幾賴名花留得一分餘意獨殿羣芳特稱重貴  
開向富家園地賸有天香國色不藉粉勻脂膩倚風處  
似真妃被酒臉霞烘媚檻際施翠幄密遮深護怕省  
仙姝隊翦縠裁綃披雲捲霧幻出許多纖麗幸遇清平  
時世勝賞也成故事拚劇醉任玉山敲倒帽檐斜墜

朝中措蘭詞 百畝餘香

芳皋百畝長蒸蘭竹石共檀欒風汎國香冉冉霞滋幽  
豔溥溥 芽抽紫玉花垂丹穗葉綴香纓堪羨也宜劍  
佩此生不遇湘靈

清平樂上苑清芬

芳滋上苑此際光風轉刻玉攢金花宛宛肯共蒿萊相  
溷甘於深谷潛藏無言獨抱幽香江海久無騷客爲  
誰猶待新霜

正韻詩錄

日飲碧谷書  
煉言懌蘇幽  
香山嶺人雅  
觀容  
士  
茲  
世  
劉  
光  
風  
轉  
修  
王  
爾  
金  
蘇  
衣  
衣  
肯  
共  
爲  
茶  
肆



柘軒詞目錄

木蘭花慢

滿江紅

蝶戀花二

風入松

獅兒詞

瑤華慢

定風波

鳳凰臺上憶吹簫

沁園春

木蘭花慢

風入松

一翦梅

浪淘沙

蘇武慢 十二

無俗念

Blank column

Blank column

Blank column

Blank column

Blank column

柘軒詞

錢塘 凌雲翰 彥翀

木蘭花慢賦白蓮和字彛臣韻

悵波翻太液誰留住藥珠仙向水殿雲廊玉容花貌幾  
度爭鮮人閒延秋無記掩霓裳猶憶舞便娟畫裏傾城  
傾國望中非霧非煙 雁飛不到九重天水調漫流傳  
柰花老房空葯存心苦藕斷絲連西風佩環輕解有冰  
絃誰復記華年留得錦囊遺墨魂消古汴宮前

滿江紅詠梨花鳥圖

誰寫瓊英空驚訝年華虛度依約似清明池館粉容遮  
路蝴蝶又來叢裏鬧鷓鴣還占枝頭語向東闌惆悵幾

同看愁如許 疑有月光搖樹疑是雪香生處自洗妝  
人去淒涼非故白髮宮娃歌吹遠青旗酒舍詩吟古記  
黃昏燈暗掩重門聽春雨

蝶戀花 杏莊爲莫景行題

一色杏林三百樹茅屋無多更在花深住旋壓小槽留  
客醉舉杯忽聽黃鸝語 醉眼看花花亦舞風捲殘紅  
飛過鄰牆去恰似牧童遙指處清明時節紛紛雨

又

過雨春波浮鴨綠草閣三閒人住清溪曲舊種小桃多  
似竹亂紅遮斷松邊屋 有客抱琴穿翠麓隔水呼舟  
應是憐幽獨歷歷武陵如在目幾時同借仙源宿

風入松和貝廷琚助教韻

誰教齒豁更頭童從喚作衰翁惜花已自因花瘦況飄  
零萬點隨風須信人生如夢休言世事皆空紫騮嘶  
過畫橋東猶記軟塵紅重來綠徧西湖路消魂是杜宇  
聲中經眼倚妝飛燕傷心照影驚鴻

獅兒詞賦梅和仇山村韻

蹇驢破帽知是幾度尋春山南山北惆悵亭荒仙遠苔  
枝空綠村醪正熟爲花醉何妨留宿春光似怕人冷落  
先回空谷瀟灑生意自足有高標不厭矮籬低屋與  
雪相期側耳隔窗蟲撲晚晴縱步又還信一枝筇竹莫  
嫌獨自在畫闌東曲

瑤華慢賦雪

喜深驚密試問滕神有多少寒力如圓似瑩總疑是滿  
眼隋珠和璧五更書幌早已覺寒光穿隙料禽影波上  
漸稀徑裏悄無行迹 有人獨倚危樓望千里江山高  
下同色坡仙飲處甚□然不減醉翁賓客等閒評論算  
柳絮梨花非白畫堂深絃管方調一任低垂簾額

定風波賦崔鶯鶯傳

把麗情分付良工傳奇漫爲重省開戶迎風拂花動月  
寫盡西廂景笑書生最僥倖剛道師婚勝琴聘沈靜問  
姓名非是近時三影 空思蔗境畫鹽梅不濟調羹鼎  
翻殘金舊日諸宮調本纔入時人聽減容光懶窺鏡鳳



枕鴛衾與誰口重贈李仲歌口續微之詠

鳳凰臺上憶吹簫賦鳳仙花

菊婢標名鳳仙題品紛紛隨處成叢甚玉釵渾小寶髻  
微鬆依舊花分五彩毘陵畫總付良工誰爲伴雞冠染  
紫雁陣來紅玲瓏英英秀質多想是花神翦綵鋪茸  
卻易分高下難辨雌雄疑把守宮同擣端可愛深染春  
蔥開還謝從風亂飄好上梧桐

沁園春嘲昆季析居

樹上凌霄堂前紫荊秋來尙芳柰牝雞晨語鵲鴿憔悴  
妖狐畫嘯鴻雁分張仁智匪周喜憂非舜一旦天倫忍  
遂忘如何好望松楸感泣桑梓悲傷古今禍起專房

總一國猶然況一鄉○家有婦人豈無長舌世無男子  
誰有剛腸樹大枝分瓜熟蒂落此語應非是義方聊書  
此要○懲鑑誠不在文章

木蘭花慢壽姪雲達時七月十四日也

問初秋明月更一夕十分圓喜鴻雁行中居然生子眉  
目娟娟祇今年踰弱冠遇生朝剛要賦詩篇莫學汝家  
癡叔蹉跎已傍中年博山風嫋水深煙絳蠟照華筵  
有檀板歌詞金尊勸酒銀甲彈絃階庭舊時玉樹正朱  
顏綠鬢似神仙丹桂不妨似竇紫金還見如田

風入松壽郭仲和

傳家應自郭汾陽餘裔在錢塘傍人莫笑儒酸○親曾

接鵝鷺班行贏得身心穩住鬢鬢卻口蒼蒼 中和相  
隱舊書堂絃誦樂時康梅花枝上春猶小朋簪盞次第  
稱觴莫問商瞿年紀也須載弄之璋

一翦梅壽俞子中紫芝

蒼顏白髮稱烏紗瘦似黃花清似梅花窗吟山月樂無  
涯知是儒家知是仙家 紫芝服食勝胡麻不愛繁華  
卻愛年華詞成筆底是龍蛇壽酒流霞壽口成霞

浪淘沙元夕遇雨次俞紫芝韻

雨打上元燈無處邀朋何如窗下且曹騰漫憶牙旗穿  
夜市鐵馬春冰 歌舞有人曾倦與爭能越羅裁服換  
吳綾盡道先生歸隱也烏帽烏藤

鳴鶴餘音

世傳全真馮尊師蘇武慢廿篇前十篇道遺世之情後十篇論學仙之事道園先生謂費無隱獨善歌之則能知者亦罕矣及觀先生所作非惟足以追配尊師而使世之汨沒塵埃流連光景者聞之而有遺世獨立羽化登仙之想則是篇於世其可少乎著雍闥茂之歲燈夕後三日偶閱道園遺藁欲盡和之甫成一篇輒爲韻拘筆弗得騁於是行思坐維或得一句一韻索紙書之越三日又成四篇尙少大半意殊悶悶二十三日城南醉歸擁鑪孤詠連得四篇半興未已而夜寒手龜不能足也

明日更成二篇半并無俗念一篇凡十又三篇覽者幸爲正焉

蘇武慢

雲縷虹竿月鉤星餌海上金鰲曾釣蓬島連根崑崙無外不比人閒嵩少返本還源成功滿行坐待紫皇飛詔笑令威千歲來歸知換幾番華表誰曾伴阿母重游蟠桃再結目斷西飛青鳥林屋無扃洞天不老鐵笛一聲雲杪皎皎靈臺熒熒明鏡塵土等閒昏了看火輪飛出扶桑萬戶千門皆曉

又

智不如愚辯何如訥大巧又何如拙螳黠蟬癡鶴長鳧

短總是一番消歇逝者如斯撓之不濁止水本來明澈  
君試看雲散天開現出自家秋月誰種得白雪黃芽  
交梨火棗不怕北風吹裂頭上簪花手中拍板稽首金  
銀宮闕見說麻姑高騎鶴背載酒過門相謁便呼童拗  
折松枝掃取一庭殘雪

又

玉砌雕闌朱門紫陌爭似道人茅宇尊有新醪盤無兼  
味自傍小溪垂縷富貴何淫賤貧亦樂此外更無他語  
有時將明月爲家或共白雲爲侶還俯視六合之間  
茫茫何物不入靈臺丹府綠水青山野花啼鳥已把此  
心留住夢熟黃梁塵飛滄海轉首便爲千古問雪堂歸



去何時江上一犁春雨

又

芳草纖纖游絲冉冉可愛地晴江碧世事浮雲人生大  
夢歧路漫悲南北漉酒春朝步蟾秋夜卻憶舊時巾舄  
問故園何日歸歟松菊已非疇昔誰似我十畝柔桑  
千頭佳橘飽看綠陰朱實漑釜烹魚飯疏飲水勝咀絳  
霞瓊液鳥倦知還水流不競喬木且容休息喜聞來事  
事從容睡覺半窗晴日

又

破帽多情布帆無恙興盡便尋溪轉明月來時浮雲飛  
盡千古翠屏宜晚桂棹蘭槳荷衣芟製偏稱藥鑪經卷

看輕鷗點破長煙一望水連天遠  
嘗記得雪滿山陰  
舟回剡曲何必過門相見浩氣難消哀情誰會萬里碧  
空橫劔一道虹橋半天龍駕尙憶幔亭開讌要長生須  
出人閒未卜道緣深淺

又

身在雲間目窮天際一帶遠山如隔隱隱迢迢霏霏拂  
拂蔓草寒煙秋色數著殘棋一聲長嘯誰識洞庭仙客  
對良宵明月清風意味少人知得  
君記取黃鶴樓前  
紫荊臺上神有青蛇三尺土木形容水雲情性標韻自  
然孤特碧海蒼梧白蘋紅蓼都是舊時行迹細尋思離  
亂傷神莫厭此生歡劇

又

霧駕雲駟雨中風帽一劍凌風飛過下視茫茫遙觀歷  
歷不復更知天大日月居諸春秋代謝幾見授衣流火  
記岳陽三度曾游未必世人知我游戲處柳樹爲徒  
榴皮作字聊說行藏如左列豹重關封狐千里不滿楚  
人哀些瓦礫黃金蓬萊別館歸去有誰知那不須分天  
上人閒南北東西皆可

又

驢背馱詩鴟夷盛酒曉踏蘇隄殘雪露闕雲門璇階玉  
宇照耀日華光潔見說孤山猶存老樹清興一時超越  
畫船歸更有漁舟此景頓成奇絕還四顧表裏通明

高低一色塵土不容豪髮卻憶韓郎花開頃刻誰得染  
根仙訣雪後園林天開圖畫眼界迥然俱別待黃昏約  
取林逋湖上朗吟香月

又

醉裏閒吟興來獨往山靜悄無人語兩岸桃花一溪春  
水似憶仙源無路花上鶯啼雲閒犬吠偶到洞仙琳宇  
便相留閒話長生嗟我委形非故圖畫裏昔日天台  
當年劉阮此說荒唐無取避世秦人放舟漁子卻恐偶  
然相與嶺日將沈林風忽動吹落半簾紅雨待少焉月  
出東方拄箇瘦藤歸去

又

有酒無肴柰何良夜客有鱸魚相惠如此山川幾何日  
月三國竟成何事目斷風帆江空歲晚覓句漫思無已  
怕多情笑我華顛甚矣吾衰久矣客知夫水與月乎  
盈虧如彼逝者有如斯水舟放中流聽其所止夜久江  
流聲細鶴爲予來客辭予去予亦就眠篷底忽羽衣過  
我林皋驚覺一番殘醉

又

仙客難逢白雲誰掃知是采芝何處皓鶴歸來金雞啼  
罷夢斷闌風立圃松下高歌橘中殘著飢後自餐龍脯  
待偷桃曼倩重來爲問木公金母君不見洞裏桃花  
花閒啼鳥又是一番春暮弱水三千巫山十二指點虛

無歸路君抱琴來我邀君飲我醉欲眠君去向人閒游  
徧朱門靜看只如蓬戶

又

君實園中堯夫窩內獨樂正同安樂維水泱泱予懷渺  
渺西望每思伊洛草色隨車花香襲履風景至今猶昨  
被杜鵑啼破天津便覺巾朝蕭索誰復見萬古龍門  
三春桃浪衝岸紫鱗爭躍月到風來水流雲在安得二  
賢同酌心上經綸鑑中治亂歎息九原難作笑紅塵逐  
利爭名總是蠅頭蝸角

無俗念

等閒屈指算今來古往誰爲英傑耳目總明天賦予怎



肯虛生虛滅去燕來鴻飛鳥走兔世事何時歇風波境  
界大川不用頻涉 踏徧萬戶千門五湖四海一樣中  
秋月正面相看君記取全體本來無缺空裏非空夢中  
眞夢莫對癡人說便須騎鶴夜深朝禮金闕



凌彥翀柘軒詞一卷吳伯宛據西泠詞萃重爲編校本  
和全眞馮尊師蘇武慢十二首又無俗念一首本在前  
伯宛旣寫定道園樂府因校是詞移編於後與道園同  
例彥翀領元至正己丑鄉薦歷代詩餘姓氏誤作己卯授紹興路蘭  
亭書院山長及平江路學正皆不赴退居吳興梅林邨  
號避俗翁明洪武閒爲鄉人官外郡者飛舉里胥臨門  
不容辭避迫脅到京授四川學官謫南荒以卒錢氏列  
朝詩選列之明代違其旨矣瞿佑歸田詩話稱彥翀以  
梅詞霜天曉角百首柳詞柳梢青百首號梅柳爭春歷  
代詩餘引詞品曰楊復初築室南山以邨居自號凌彥  
翀賦漁家傲壽之云采芝步入南山道道深宛似蓬萊

島聞說邨居詩思好還被惱蒼苔滿地無人掃載酒亭  
前松合抱客來便許同傾倒玉兔已將靈藥擣秋意早  
月華長似人難老據此則彥翀佚詞尙多詞萃所刻殆  
非尸本歟歸安朱孝臧跋

韓山人詞目錄

女冠子

賀新郎

清平樂

百字令

柳梢青

鵲橋仙

河傳

水龍吟

百字令

柳梢青

清平樂

四字令

□□□

踏莎行

高陽臺

齊天樂

花犯

糖多令

菩薩蠻

卜筭子

瑞龍吟

卜筭子

謁金門

點絳脣

浪淘沙

水龍吟

清平樂

生查子



韓山人詞

吳郡 韓奕 公望

女冠子元夕

又元宵近冷風寒雨成陣春泥巷陌悄無車馬數椀殘  
燈依稀相映夜深光已暝是處敗垣頽砌熒熒青燐但  
麤麤鼓瑤瑤漏打破一城荒靜 古來此地緜華盛歌  
舞歡相競何事如今恁地都無些剩空傳下幾句舊腔  
新令故老風流盡漫唱西樓月轉也無人聽自剔殘紅  
燧半窗梅影伴人愁鬢

賀新郎送別

煙雨楓橋路算年來幾番送別故人千里君亦當初緣

底事不念平生儔，侶容易把幽歡閒阻。歲晚卻思來訪，  
舊舊處亭館廢垣，荒圃寒日照殘桑梓。同游似我，今  
餘幾且留連。小窗清夜挑燈，疑語身外事，多何必問。  
□□□□□□況鬢影相看如許，秋草蕭蕭連茂苑，正堪  
愁杜牧詩中意。誰畫在行裝裏。

清平樂

房深戶密不放朝寒入。睡起就牀梳洗畢。背坐半窗紅  
日。衣香易冷。頻燒琴絃正緊。慵調望斷。山中人信幾  
多春到梅梢。

百字令次韻答毘陵蔣公冕見寄

問余何事未中年。已覺心情歡少。對青鏡頻傷往事白。

髮鬢邊生早水上題紅花閒拾翠到如今休了年年春色應笑閉門人老故人咫尺江雲幾回吟眺目斷扁舟小荒後人家依舊好空記夢中曾到一曲高歌知君別後也恁多愁抱甚時乘興山陰去訪安道

柳梢青梁溪道中

柳暗花明江村口路微雨纔晴一箇扁舟儘容漁叟到處閒情往來鳧渚鷗汀新朋閒舊人爭送迎麥飯榆羹故園寒食誤卻歸程

鵲橋仙漁父詞和放翁韻

三江秋水五湖春雨只在釣船中住滔滔波浪與天浮釣時認得魚多處杏壇有樹桃源有路罷釣有時閒

去雖年八十尙垂綸□不是姓姜漁父

河傳送俞彥行

天際舟去水和煙路遙遙知幾千廣州又在海西邊堪  
憐行人方少年 回首吳臺連楚館雲樹遠眼與腸俱  
斷念歸期是何時休遲鶯花容易稀

水龍吟次韻題湧金飛雪畫扇

蒼寒收盡紅塵四山一色俄驚曉樓臺宮闕冰壺影裏  
瑩然清悄獨有游人畫船青蓋笙歌猶繞徧園林松竹  
光輝□□人住處皆蓬島 羅扇畫來輕小乍時人見  
多驚倒誰留古本到今付與良工塗掃夏日攜時且揮  
且玩暑都消了更詞人親筆題題這風景古猶少

百字令爲沈畫師題寫山樓

軟紅塵裏愛君家縹緲半空樓倚曲檻外江南江北兩  
岸好山無際日湧浮金煙凝積翠朝夕映窗几拋書臥  
看北磬在人胸次興來把筆臨池濃塗淡抹咫尺論  
千里內一段精神聚處口甚詩人能擬卻笑米顛結庵  
京口也便寫圖誇美生綃半幅漫賦新詞同寄

柳梢青

過了清明江口郭外雲淡煙輕幾家臺沼萍蕪自綠殘  
柳還青何人樓外吹笙彷彿口梨園舊聲喚起閒愁  
暗思往事老去忘情

清平樂

曉雲狼藉淡淡煙中日柳絮欲飛無氣力滿院綠陰清  
寂 熏篝香戀殘煤畫羅衣試新裁春尙有些寒在銀  
屏到晚慵開

四字令

荼蘼送香枇杷映黃圍池偷換春光正人閒晝長 鳩  
鳴在桑鶯啼近窗行人遠去他鄉正離愁斷腸

□□□

落花數點懸蛛網風蹙文如浪看來也似惜春光留住  
殘紅不肯放 柳煙槐雨連門巷要做綠陰模樣綠陰  
終不似花時這夏景曲兒休唱

踏莎行 秋夕宿上方寺



秋水平湖夕陽低樹扁舟還覓來時路到城料得幾多  
程停橈爲欲尋僧去 杳杳松蘿泠泠鐘鼓上方更在  
雲深處鬢絲禪榻話今宵從師要了無生句

高陽臺七夕

織錦停機服箱休駕兩情此夕交歡碧漢無雲銀波萬  
頃茫然憑誰爲泛仙槎去問佳期何事經年柰玉蟾易  
老不多光景流連 老□□節歡懷少漫隨他兒女瓜  
果開筵今古無情算來最是青天不會見與何人巧□  
只知閒阻因緣信而今悲歡離合徧滿人閒

齊天樂

壽內時值端陽

白頭尙舉齊眉案相敬未忘賓禮細數流年平頭六十

恰好一周甲子吾生貧賤汝不厭糟糠不嫌縵縷口喜  
而今已將婚嫁了兒女顧顧共伊老矣又何須更問  
有無家計翠艾成人紅榴結子隱映薰風庭宇年年到  
此願身健心安共傾香醕好添幾箇好孫兒戲舞

花犯題步障亭

海棠開誰家亭館依然舊標致彩雲深處有半溼青紅  
畫闌雕砌鮪英密蕊重重樹望中迷數里似蜀錦張成  
步障石家徒僭侈夜深把銀燭高燒有時更折向銅  
瓶斜貯微風度朱脣似迎人笑語口坡老當年一見何  
事在天涯僧舍底爭似此安排華屋長相從富貴

糖多令湖中

買得箇扁舟乘閒到處游載將圖冊與衾裯不問人家  
僧舍裏堪住處便夷猶雨歇淡煙浮黃鸝鳴麥秋石  
湖西畔碧悠悠倘遇桃花源裏客隨著去莫歸休

菩薩蠻山寺夏日

重重樹杪高高閣懸泉千尺檐前落度夏愛僧居一來  
慵下梯睡餘無氣力坐數遙峰碧閒詠不成詩斜陽  
在澗西

卜算子九日

白髮對黃花又一番重九相會年年少舊人獨酌杯中  
酒世短意恒多此語君知否莫問明年健似今且折  
茱萸壽

瑞龍吟 錢塘懷古

佳麗地寂寞濤響空城草深荒壘龍飛鳳舞山神宛然  
不復當時王氣 西湖外缺岸斷橋冷落幾灣煙水畫  
船總有笙歌向甚處有垂楊可繫 徧野離離禾黍月  
觀風亭杳無遺址惟有兩峰南北在夕陽裏因思當日  
翠輦嘗南駐二百年生民同樂楚中歌舞一自重華去  
筭幾口曾經口瘦不似如今最遼鶴倘重歸到東門市  
怎知城郭也應非故

卜筭子 雨中

急霰打窗紗正是愁時候無奈愁多著酒消反被愁消  
酒 又滅又明燈還短還長漏爲問梅花有甚愁也似

愁人瘦

謁金門

早秋

秋已到秋到今年何早秋未到時愁動了到秋愁不少  
愁尙疏濃難掃愁下腸空易繞要得沒愁惟睡好愁  
還將睡覺

點絳脣

初冬

午夢初回半窗影轉斜陽樹起看梅蕊向暖曾開未  
一霎清寒捲地西風起無人至把門兒閉自了閒文字

浪淘沙

重午

細雨折紅榴花滿枝頭客邊相對思悠悠欲換金泥題  
帖子無復風流蓬鬢老堪羞節去難留一尊重午與

誰酬歌罷楚辭新  
月上曲影如鉤

水龍吟海萍許氏舟名

軟紅塵裏忙人有誰能識滄洲趣  
飄然一葉也無根蒂  
御風千里禪客蘆莖仙翁蓮瓣笑  
他方外任浮家不繫  
行蹤無定筭前身豈飛絮  
不著風花浪蕊護篷窗青  
帘休起臥游容與筆牀茶竈安  
如屋裏待約靈槎銀河  
秋夕訪牛尋女且先載我月明  
中洗腳唱歌歸去

清平樂壽內

鑪煙拂拂生願長同室還度新  
腔調舊瑟四十三年今日  
當初黃卷相逢後來紅線相從此去白頭相守榴  
花無限薰風



生查子夏日

虛牖落桐花  
疏箔通荷氣  
獨自繞閒庭  
不住來還去  
屢滑舊苔滋  
衣潤殘香膩  
沒一箇人來  
細說心中事



益齋長短句目錄

沁園春

江神子

鷓鴣天

五

太常引

浣溪沙

二

大江東去

蝶戀花

人月圓

水調歌頭

二

玉漏遲

菩薩蠻

二

洞仙歌

滿江紅

木蘭花慢

巫山一段雲

三十二

卷之二十一

論

本

論

本

論

本

論

本

論

本

論

本

論

本

論

益齋長短句

高麗 李齊賢 仲思

沁園春將之成都

堪笑書生謬算狂謀所就幾何謂一朝遭遇雲龍風虎  
五湖歸去月艇煙蓑人事多乖君恩難報爭柰光陰隨  
逝波緣何事背鄉關萬里又向岷峨幸今天下如家  
顧去日無多來日多好輕裘快馬窮探壯觀馳山走海  
總入清哦安用平生突黔席暖空使毛羣欺臥駝休腸  
斷聽陽關第四倒捲金荷

江神子七夕冒雨到九店

銀河秋畔鵲橋仙每年年好因緣倦客胡爲此日卻離

筵千里故鄉今更遠腸正斷眼空穿  
夜寒茅店不成眠一燈前雨聲邊  
寄語天孫新巧欲誰傳懶拙只宜閒  
處著尋舊路臥林泉

鷓鴣天過新樂縣

宿雨連明半未晴跨鞍聊復問前程  
野田立鶴何山意驛柳鳴蜩是處聲  
千古事百年情浮雲起滅月虧盈  
詩成卻對青山笑畢竟功名怎麼生

二九月八日寄松京故舊

客裏良辰屢已孤菊花明日共誰娛  
閉門暮色迷紅草敲枕秋聲度碧梧  
三尺喙數莖鬚獨吟詩句當歌呼  
故園依舊龍山會賸肯樽前說我無



三飲麥酒 其法不芻不壓插竹筒甕中座客以次就  
而吸之傍置杯水量所飲多少挹注其中酒若不盡  
其味不渝

未用真珠滴夜風碧筩醇酎氣相通舌頭金液凝初滿  
眼底黃雲陷欲空 香不斷味難窮更添春露吸長虹  
飲中妙訣人如問會得吹笙便可工

四揚州平山堂今爲八哈師所居

樂府曾知有此堂路人猶解說歐陽堂前楊柳經搖落  
壁上龍蛇逸杳茫 雲澹汀月荒涼感今懷古欲沾裳  
胡僧可是無情物毳衲蒙頭入睡鄉

五鶴林寺

夾道修篁接斷山，小橋流水走平田。  
雲閒無處尋黃鶴，雪裏何人開杜鵑。  
誇富貴，慕神仙，到頭還是夢悠然。  
僧窗半日閒中味，只有詩人得祕傳。  
皆山中故事

太常引暮行

棲鴉去盡遠山青，看暝色入林垌。  
燈火小於螢，人不見、苔扉半扃。  
照鞍涼月滿衣，白露繫馬睡寒廳。  
今夜候明星，又何處長亭短亭。

浣溪沙早行

旅枕生寒夜慘悽，半庭明月露淒淒。  
迷疲僮夢語馬頻嘶，人世幾時能少壯。  
宦遊何處計東西，起來聊欲舞荒

二黃帝鑄鼎原

見說軒皇此鍊丹乘龍一去杳難攀鼎湖流水自清閒  
空把遺弓號地上不蒙留藥在人閒古今無計駐朱

顏

大江東去過華陰

三峰奇絕儘披露一掬天慳風物聞說翰林曾過此長  
嘯蒼松翠壁八表遊神三杯通道驢背鬚如雪塵埃俗  
眼豈知天上人傑猶想居士胸中倚天干丈氣星虹  
閒發縹渺仙蹤何處問箭筈天光明滅安得聯翩雲裾  
霞佩共散騏驎髮花閒玉井一樽轟醉秋月  
蝶戀花漢武帝茂陵

石室天壇封禪了青鳥含書細報長生道寶鼎光沈仙  
掌倒茂陵斜日空秋草百歲真同昏與曉羽化何人  
一見蓬萊島海上安期今亦老從教喫盡如瓜棗  
人月圓馬嵬效吳彥高

五雲繡嶺明珠殿飛燕倚新妝小鬟中有漁陽胡馬驚  
破霓裳海棠正好東風無賴狼藉春光明眸皓齒如  
今何在空斷人腸

水調歌頭過大散關

行盡碧溪曲漸到亂山中山中白日無色虎嘯谷生風  
萬仞崩崖疊嶂千歲枯藤怪樹嵐翠自濛濛我馬汗如  
雨修徑轉層空登絕頂覽元化意難窮羣峰半落天

外滅沒度秋鴻  
男子平生大志  
造物當年真巧  
相對孰爲雄  
老去臥北壑  
說此詫兒童

二望華山

天地賦奇特  
千古壯西州  
三峰屹起相對  
長劍凜清秋  
鐵鎖高垂翠  
壁玉井冷涵銀  
漢知在五雲頭  
造物可無物  
掌迹宛然留  
記重瞳崇祀  
秩荅神休  
真誠若契真  
境青鳥引丹樓  
我欲乘風歸去  
只恐煙霞深處  
幽絕使人愁  
一嘯蹇驢背  
潘闔亦風流

玉漏遲 蜀中中秋值雨

一年唯一日遊人  
共惜今宵明月  
露洗霜磨無限  
金波洋溢  
幸有瑤琴玉笛  
更是處江樓  
清絕邀俊逸  
登臨一

醉將酬佳節 豈料數陣頑雲忽掩卻天涯廣寒宮闕  
失意初筵唯聽秋蟲嗚咽莫恨姮娥薄相且吸盡杯中  
之物圓又缺空使早生華髮

菩薩蠻舟中夜宿

西風吹雨鳴江樹一邊殘照青山暮繫纜近漁家船頭  
人語譁 白魚兼白酒徑到無何有自喜臥滄洲那知  
是宦遊

二舟次青神

長江日落煙波綠移舟漸近青山曲隔竹一燈明隨風  
百丈輕 夜深篷底宿暗浪鳴琴筑夢與白鷗盟朝來  
莫漫驚



洞仙歌 杜子美草堂

百花潭上但荒煙秋草猶想君家屋烏好記當年遠道  
華髮歸來妻子冷短褐天吳顛倒卜居少塵事留得  
囊錢買酒尋花被春惱造物亦何心枉了賢才長羈旅  
浪生虛老卻不解消磨盡詩名百代下令人暗傷懷抱  
滿江紅相如駟馬橋

漢代文章誰獨步上林詞客遊曾倦家徒四壁氣吞七  
澤華表留言朝禁闥使星動彩歸鄉國笑向來父老到  
如今知豪傑 人世事真難測君亦爾將誰責顧金多  
祿厚頓忘疇昔琴上早期心共赤鏡中忍使頭先白能  
不改只有蜀江邊青山色

木蘭花慢長安懷古

騷人多感慨況故國遇秋風望千里金城一區天府氣  
勢清雄繁華事無處問但山川景物古今同鶴去蒼雲  
太白雁嘶紅樹新豐夕陽西下水流東興廢夢魂中  
笑弱吐強吞縱成橫破鳥沒長空爭如似犀首飲向蝸  
牛角上任窮通看取麟臺圖畫□餘馬鬣蒿蓬

二書李將軍家壁

將軍真好士識半面足吾生況西自岷峨北來燕趙竝  
轡論情相牽挽歸故里有門前稚子候淵明對酒歡酣  
四坐挑燈話到三更高歌伐木鳥嚶嚶懷抱向君傾  
任客路光陰欲停歸騎更盡飛觥人閒世逢與別似浮

雲聚散月虧盈但使金軀健在白頭會得尋盟

巫山一段雲瀟湘八景 平沙落雁

玉塞多繒繳金河欠稻梁兄兄弟弟自成行萬里到瀟湘  
遠水澄拖練平沙白耀霜渡頭人散近斜陽欲下  
更悠揚

二遠浦歸帆

南浦寒潮急西岑落日催雲帆片片趁風開遠映碧山  
來出沒輕鷗舞奔騰陣馬回船頭浪吐雪花堆畫鼓  
殷春雷

三瀟湘夜雨

潮落蒹葭浦煙沈橘柚洲黃陵祠下雨聲秋無限古今

愁 漠漠迷漁火蕭蕭滯客舟箇中誰與共清幽唯有  
一沙鷗

四洞庭秋月

萬里天浮水三秋露洗空冰輪輾上海門東弄影碧波  
中 蕩蕩開銀闕亭亭插玉虹雲帆便欲掛西風直到  
廣寒宮

五江天暮雪

風緊雲容慘天寒雪勢嚴篩寒洒白弄纖纖萬屋盡堆  
鹽 遠浦回漁棹孤村落酒帘三更霽色妒銀蟾更約  
掛疏簾

六煙寺晚鐘

楚甸秋霖捲湘岑暮靄濃一春容罷一春容何許日沈  
鐘 搖月傳空谷隨風渡遠峰溪橋有客倚寒筇一徑  
入雲松

七山市晴嵐

遠岫螺千點長溪玉一圍日高山店未開扉嵐翠落殘  
霏 隱隱樓臺遠濛濛草樹微市橋曾記買魚歸一望  
卻疑非

八漁村落照

遠岫留殘照微波映斷霞竹籬茅舍是漁家一徑傍林  
斜 綠岸雙雙鷺青山點點鴉時聞笑語隔蘆花白酒  
換魚鰕

九平沙落雁

醉墨疏還密，殘棋整復斜。  
料應遺迹在泥沙。來往歲無  
差。水暖仍菰米，霜寒尙葦花。  
心安只合此爲家。何事  
客天涯。

十遠浦歸帆

解纜離淮甸，揚舲指楚鄉。  
風聲颯颯水茫茫。帆席上危  
檣。斷送浮雲影，驚迴過雁行。  
江樓紅袖倚斜陽。遠引  
客心忙。

十一瀟湘夜雨

暗澹青楓樹，蕭疏斑竹林。  
篷窗夜雨冷難禁。敲枕古鄉  
心。二女湘江淚，三閭楚澤吟。  
白雲千載恨沈沈。滄海



未爲深

十二洞庭秋月

衡岳寬臨北君山小近南中開七百里湖潭吳楚入包  
含銀漢秋相接金波夜正涵舉杯長嘯待鸞驂且對  
影成三

十三江天暮雪

向夕迴征棹凌寒上酒樓江雲作雪使人愁不見古潭  
洲聲緊雲邊雁魂清水上鷗千金駿馬擁貂裘何似  
臥漁舟

十四煙寺晚鐘

十五山市晴嵐

海氣蒸秋熟山容媚曉晴  
森森萬樹立無聲空翠襲人  
清鏡裏雙蛾斂機中匹練橫  
隔溪何處鷓鴣鳴雲日翳還明

十六漁村落照

雨霽長江碧雲歸遠岫青  
一邊殘照在林垞綠網曬苔  
肩波影明重綺沙痕射遠星  
鱸魚白酒醉還醒身世任浮萍

十七松都八景

紫洞尋僧

傍石過清淺穿林上翠微逢人何更問僧扉午梵出煙  
霏草露沾芒屨松花點葛衣鬢絲禪榻坐忘機山鳥  
漫催歸

十八青郊送客

芳草城東路疏松野外坡春風是處別離多祖帳簇鳴  
珂村暖雞呼屋沙晴燕掠波臨分立馬更婆娑一曲  
渭城歌

十九北山煙雨

萬壑煙光動千林雨氣通五冠西畔九龍東水墨古屏  
風巖樹濃凝翠溪花亂泛紅斷虹殘照有無中一鳥  
沒長空

二十西江風雪

過海風淒緊連雲雪杳茫落花飄絮滿江鄉偷放一春  
狂 漁市關門早征帆入浦忙酒樓何處咽絲簧愁殺  
孟襄陽

二十一白岳晴雲

菖杏春風後茅茨野水頭晴雲弄色藹林北雨意未能  
休 京縣民無賦郊田歲有秋明朝去學種瓜侯身世  
寄菟裘

二十二黃橋晚照

隱見溪流轉縱橫野壠分隔林人語遠堪聞村徑綠如  
裙 鳶集蜈山樹鴉投鵠嶺雲來牛去馬更紛紛城郭

日初曛

二十三長湍石壁

插水雲根聳橫空  
黛壁開魚龍吹浪轉  
隅隈百里綠徘徊  
日浸玻璃色  
花分錦繡堆  
畫船載酒管絃催  
一日繞千迴

二十四朴淵瀑布

日照羣峰秀  
雲蒸一洞深  
人言玉輦昔登臨  
盤石在潭心  
白練飛千尺  
青銅徹萬尋  
月明笙鶴下  
遙岑吹送水龍吟

二十五紫洞尋僧

老喜身猶健  
閒知興更添  
芒鞋竹杖度千巖  
迎送有蒼

髯坐久雲歸岫談餘月掛檐但教沽酒引陶潛來往  
意何厭

二十六青郊送客

野寺松花落晴川柳絮飛臨風白馬紫金鞵欲去惜芳  
菲聚散今猶古功名夢也非青山不語暗相譏誰見  
二疏歸

二十七西江風雪

雪壓江邊屋風鳴浦口檣時登草閣掛南窗雲海杳茫  
茫斫膾銀絲細開樽綠蟻香高歌一曲禮成江腸斷  
賀頭綱

二十八北山煙雨



澹澹青空遠亭亭碧巘重忽驚雷雨送飛龍欲洗玉芙蓉  
稍認巖閒寺都迷壑底松良工吮筆未形容疑是  
九疑峰

二十九白岳晴雲

曉過青郊驛春遊白岳山提壺勸酒語關關一聽一開  
顏村舍疏林外田畦亂水閒郊原雨足信風還羨殺  
嶺雲閒

三十黃橋晚照

曠望荒田路嵯峨柳院樓夕陽行路卻回頭紅樹五陵  
秋城郭遺基壯干戈往事悠村家童子不知愁橫笛  
倒騎牛

三十一 朴淵瀑布

絕壁開嵌竇長川掛半天跳珠噴玉幾千年爽氣白如  
煙 豈學然犀客唯期駐鶴仙淋衣暑汗似流泉到此  
欲裝綿

三十二 長湍石壁

瘦骨千年立蒼根百里盤橫張側展綠波閒一帶玉孱  
顏 獵騎何曾顧漁郎只漫看詩人強欲狀天慳贏得  
鬢毛斑